



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Մտեղծագործական համայնքներ
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonCommercial
3.0 Unported (CC BY-NC 3.0) license.

Դու կարող ես.

պատճենը և տարրել նյութը ցույկացած ձևավայրով կամ կրկնով
ձևափոխել կամ օգտագործել առևտ նյութը առևդելու համար նորը

You are free to:

Share — copy and redistribute the material in any medium or format


Adapt — remix, transform, and build upon the material

«Գիտ-Դաս» Մատենաշար թիւ 4

ԴԱՇՆԱԿՑԱԿԱՆ ԳՐՉԱԿՆԵՐԸ ՓԱՍՏԵՐԻ ԱՌՁԵՒ

Գ ր ե ց
ՍԻՄ . ՓԻՐՈՒՄԵԱՆ

ԳԻՆ 20 ՍԵՆԹ



Հրատարակութիւն «ԳԻՏ-ԴԱՍ» Հրատ. Ընկերութեան
**«Git-Das», P. O. Box 62, Mads. Sq. Sta.
New York, N. Y.**

1 9 2 4

“GIT-DAS” PUB. CO.
P. O. BOX 62, MAD. SQ. STA.
NEW YORK, N. Y.

ԵՐԿՈՒ ԽՕՍՔ

Ընկեր Ալ. Մարտունիի փոքրիկ գրութիւնը՝ ուղղված «Գաղութահայ Աշխատառութեան», բաւական խոշոր իրարացում առաջացուց դաշնակներու «գրական» փեթակին մէջ:

Այդ իրարանցումը ինչնին լաւագոյն ապացոյցն էր, որ Ընկեր Մարտունիի դիտողութիւնները Դաշնակցութեան վերաբերմամբ տեղին էին եւ հարւածները՝ զօրաւոր:

Ընկեր Մարտունի Դաշնակցութեամբ չէր զբաղւած իր դիմումին մէջ, այլ միայն անցողակի կերպով մէկ-երկու անհրաժեշտ եւ արդարացի դիտողութիւններ էր ըրած, որոնք ինչքան ալ խոցող ու խայթիչ եղած լինէին դաշնակներուն համար, սոսկ Մարտունիի տեսակէտները չէին, այլ ամեն անոնց, որոնք տեսնելու կարողութենէն զրկւած չեն, եւ կը նաև իրողութիւնները արձանագրել անկեղծաբար ու անվախ կերպով:

Ընկեր Մարտունիի դիմումին ընդհանուր բնոյթը եւ հակիրճութիւնը թոյլ չեն տւած, որ պատմական փաստերու մատնանշումներով, բազմակողմանի կերպով դաշնակներու «լավէյութիւնը», անկուլտուրականութիւնը, կեղծիքը, նենգութիւնը», եւայլն լուսաբանւէին, եթէ երբէք ատոր պէտք կար:

Բարեբախտաբար թէ դժբախտաբար դաշնակ *լաքէյները* եւ կեղծարարները Ընկեր Մարտունիի «Գաղութահայ Աշխատառութեան» գրքոյկի առիթով անգամ մըն ալ եկան Դաշնակցութեան «առաքինութիւնները» ցուցադրելու շատ ակնաբաղյան կերպով: Այդ իր կարգին լաւագոյն առիթը եղած է Ընկ. Սիմ. Փիրումեանի համար՝ պատմական անմերժելի իրողութիւններու եւ «քարմ» կեղծիքներու մերկացումով դաշնակ «գրական էլիտէյի» իսկական դիմագիծը տալու եւ այդ կուսակցութեան «ազգային», «կուլտուրական», «դիւանագիտական» արժեքները պատկերացնելու ընթերցողներուն:

Թէ որքան յաջող եւ կարող կերպով կրցեր է ընել այդ Ընկ. Փիրումեան իր այս գրութեան մէջ, որ վարպետ վերլուծութեան, խայթող *սարքազմի*, համբերատար, բայց ոչնչացնող ընդդիմախօսութեան փայլուն մէկ օրինակը կներկայացնէ, այդ պիտի տեսնեն ընթերցողները իրենիք:

ԴԱՇՆԱԿՑԱԿԱՆ ԳՐՊԱԿՆԵՐԸ ՓԱՍՏԵՐԻ ԱՌՁԵՒ

U

ՎԻՐԱԿԻՈՐԻԱԾ ԱՆՄԵՂՈՒԹԵԱՆ ԿԱՏԱԿԵՐԳՈՒԹԻՒՆԸ

Հնկեր Ա. Մարտունու (Ա. Մեասնիկեանի) դրութիւնը՝
ուղղւած՝ ամերիկահայ բանւորներին եւ աշխատաւորներին,
մեծ «կենդանութիւն» առաջ բերաւ դաշնակցական բոյնի մէջ:

Դաշնակցական երկու թերթերի՝ «Հայրենիք»ի և «Ասպարեզ»ի խմբագրութիւնները հրապարակ եկան անվերջօրէն երկար «յօդւածներով»*): Կուսակցութեան «լաւագոյն» գըրիչները բաւականաչափ խաղխղեցին խեղճ թղթի վրա, որը, ինչպէս յայտնի է «ամեն ինչ տանում է»: Եւ թափեցին սեւ մելանի հեղեղներ...

Թէ ինչ թափւեց իրապէս, այդ կտեսնենք մենք՝ յետո։
Ի՞նչն է սակայն, որ առաջ է բերել այդ «կենդանութիւ-
նը»։ Եւ ինչի՞ դէմ է, որ այդքա՞ն կրքոտ կերպով նիզակներ
են ճօճում կուսակցութեան երկու օրդանները եւ նրանց խիստ
եռանդուն աշխատակիցները։ Դուրս է գալիս, որ կօմու-
նիստները ընդհանրապէս եւ ընկեր Ա. Մարտունին մասնա-
ւորապէս «Քէմֆէյն մը» սկսած են Դաշնակցութեան դէմ։ Իսկ
«Ասպարէզ»ը ձայնակցելով «Հայրենիք»ին, նոյն իսկ ջանք է
գործ ածում ապացուցելու (անշուշտ, առանց որեւէ ար-
դիւնքի) որ Սօվետական Հայաստանի Կառավարութեան ցու-
ցահանած շահագրգութիւնը գաղութային հայութեան հան-
դէպ միայն մէկ նպատակ է հետապնդում։ այն է՝ վերջ տալ
Դաշնակցութեան։

Ահա ձեզ իրապէս մի «Ամերիկայի գիւտ»... Ամերիկայի
մէջ :

Համարեա քսանեւհինդ տարի կա , որ հայ մարքսիստական , սօցիալիստական ինչպէս եւ կօմունիստական տարրերը «Քեմփիկյն» են մղում Դաշնակցութեան դէմ եւ պիտի մղեն այնքան ժամանակ , մինչեւ որ այդ բուրժուա-քաղֆեցիական գաղափարաբանութեան վերջին ներկայացուցիչները յանձնըւին թանգարանին կամ աւելի նիշտ՝ պատմութեան արխիւի մէջ նետւին :

(*) Տես «Հայրենիք», թիւ 3554-3558, եւ «Ասպարէզ», թիւ 1042-1048:

Միթէ՞ յարգելի խմբագրութիւնների համար մի նորութիւն է այդ, որ պէտք է թմբկահարութեամբ եւ բալագանային հերոսի ծամածութիւններով ամբողջ աշխարհին յայնըւէր:

«Ապա նայեցէ՞ք, տեսէ՞ք այդ բօլշեվիկները ի՞նչպիսի չար երեխաներ են եւ ինչպէս խեղճ, անմեղ դաշնակցական մանուկներին ծեծում ու վիրաւորում են»:

Արդեօք այս արտասւաթոր կատակերգութեան հեղինակները պիտի կարողանա՞ն շարժել մեր սրտաբեկ հայրենակիցների խղճահարութիւնը Ամերիկայում, — մենք չգիտենք. թէ եւ շատ պատճառներ ունինք կասկածելու: Ի՞նչ դրամական գործողութիւն կա թագնւած այդ տանջահար կեցւածքի ետեւը՝ յօդուտ «անարդարօրէն վիրաւորւած Դաշնակցութեան», — այդ էլ մեզ յայտնի չէ հիմա, թէ եւ որեւէ կասկած չունինք, որ ֆինանսական որեւէ մի օպերացիա թագնւած է այդտեղ*): Սակայն մի բան պարզ է եւ որոշ. հարցը դրանում չէ, հարցը «Քէմփէյն»ի մէջ չէ, որովհետեւ դաշնակցական առաջնորդները չեն կարող չիմանալ այն, ինչ որ յայտնի է ամեն զրել-կարդալ իմացող մարդու: Հարցը նրանումն է, որ ինչպէս ժողովուրդն ասում է, մեղուները շատ յուզում եւ չարանում են, երբ նախազգում են իրենց վախճանը: Ահա' անսպասելի յուզումի իրական պատճառը. ահա' թէ ինչո՞ւ այնքան խառնակւել է փեթակը:

Աւելորդ պիտի լինէր գաղտնիքը ուրիշ տեղ որոնել:

Բայց ամենից աւելի ծիծաղելին այն է, որ ընկ. Ա. Մարտունու եւ բօլշեվիկների բարկացած քննադատները շատ թուղթ են փշացնում, ջանալով «այսպէս կամ այնպէս» «լուսաբանել» կօմունիստների այնքան թշնամական վերաբերութեան պատճառը իրենց հանդէպ. մինչդեռ այդ պատճառը եւս նրանց յայտնի է վաղուց: Մենք մի ամբողջ քառորդ դարու ընթացքում երբէք չենք ծածկել մեր «համակրանքը», ու պատրաստ ենք նորից կրկնելու հայ աշխատաւոր զանգւածի առջեւ, ուր էլ որ նրանք գտնւելու լինին, երկրում թէ արտասահմանում, Ամերիկայում թէ Եւրոպայում, որպէսզի այլեւս ոչ մէկ կասկած չմնա եւ դաշնակցական խմբագիրներին պէտք չմնա խաղալու «վիրաւորւած անմեղութեան» կատակերգութիւնը:

«Ասպարէզ»ի յօդւածի հեղինակը նոյն խոկ փորձ է անում

(*) 10,000 «գաղթականներ Հայաստան փոխադրելու» համար սկսած հանգանակութեան անպատկառ կեղծիքը, — ահա' այդ քագնւած օպերացիան: (Ծանօթ. Հրատարակիչ.)

«բացատրելու» բօլեւիկների վերաբերմունքը դաշնակների հանդէսի «Բաջազնունու միջոցով»։ այդ միանգամայն աւելորդ է։ Եթէ դաշնակցական գաղափարաբանութեան այն փայլուն բնոյթաղիրը, որ տւել է ընկ։ Ա. Մեասնիկեանը եւ որը մէջ է բերւած դաշնակցական երկու յօդւածագրների կողմից էլ, բաւականաչափ համոզիչ չէ, որպէսզի ամեն ազնիւ մարդու համար պարզ դառնա Դաշնակցութեան դէմ կը ուղարկու անհրաժեշտութիւնը «մինչեւ վերջ»։ ապա մենք յանձն կառնենք այստեղ կրկին անգամ «խնդրի էութիւնը» ցուցադրելու, ջանալով որքան կարելի է հասկանալի լինել մեր արտայայտութիւններում։

Իր գործունեութեան երեսուն տարւա ընթացքում Դաշնակցութիւնը եղած է հայ բուրժուազիայի իմպերիալիստական մասի կուազան կազմակերպութիւնը։

Ինչպէս յայտնի է իմպերիալիստական ախորժակներից զերծ չեն նաեւ այսպէս անւանւած «փոքրիկ» ժողովուրդները։ Իրապէս հայ բուրժուազիան եղած է Տաճկաստանում անդլօ-ֆրանսիական իմպերիալիզմի ավանգարդը եւ ներմուծողը։ իսկ կովկասում՝ ոռւսական կապիտալի, — առանձնապէս մանուֆակտուրային եւ նաւթային, — առաջապահը։

Հայ զանգւածների ազգային-ազատագրական ձգտումները նրանց կողմից վճռում էին հենց այդ իմպերիալիզմի գիտելակերպով, դրա թելադրութեան տակ։ դրա համար էր հենց որ ժողովրդին բաժին ընկան անհաւատալի տանջանքներ եւ թշւառութիւններ, որոնք համարեա թէ հասցրին նրան ազգային վերածնութեան առարկայական կարելիութիւնների ոչնչացման կէտին։ «Ազատութեան եւ անկախութեան» դրօշակը շարժելով օդի մէջ, Դաշնակցութիւնը կարողացաւ նրա տակ ժողովել քաղաքային մանր բուրժուազիայի եւ գիւղացիութեան մասաները, շահագործելով նրանց ազատագրական ձգտումները եւ ենթարկելով դրանց կապիտալի ու նրա կրողների շահերին։

Կուսակցութեան շարքերի մէջ մեծ քանակութեամբ գիւղացիների, ինտելիգենցիայի եւ քաղքեցիութեան ներկայութիւնը (այս տարրերը սկսած են թողնել կուսակցութիւնը պատերազմի սկզբից եւ առանձնապէս Յեղափոխութիւնից յետո) կուսակցութեան ստիլեց ներկւել «պաշտպանողական» նպատակ ունեցող սօցիալիստական գոյնով։ բայց կարմիր ծածկոցը երբէք չկարողացաւ ծածկել աղւէսի պոչը եւ բուրժուազիայի գայլային ժանիքները, որոնք դաւաճանական կերպով դուրս էին նայում օտարից փոխ առնւած ծածկոցի ծակոտիկներից։

Այսպիսով Դաշնակցութեան գաղափարաբանութիւնը հայ

բուրժուազիայի ամենաազբեսիւ մասի գաղափարաբանութիւնն էր : Ընկ . Ա . Մեասնիկեանը շատ պերճախօս կերպով բնոյթագրել է բուրժուա-քաղքեցիական դաղափարաբանութեան այդ «բազմաբղէտութիւնը» . մեր կողմից պէտք չկա կրկնելու :

Այս այսպէս լինելուց յետո , ինչո՞ւ զարմանալ եւ անակնկալ համարել , երբ հայ բանւորական դասակարգի ու ամենաաղքատ դիւղացիութեան կուսակցութիւնը , — առաջ սօցիալ-դեմքլրատական , յետո կօմունիստական , — նրա դէմ վճռական կոիւ է մղում եւ արդարացի կերպով երկրնտրանքն է առաջադրում՝ «կամ կօմունիստները , կամ դաշնակները» :

Ի՞նչ կա դատապարտելի , երբ Բանւորա-Գիւղացիական Հայաստանի ղեկավարները ազատելով այդ երկիրը դաշնակների բուրժուական տիրապետութիւնից , որ այնքա՞ն չարիքներ է հասցըել նրան , զգուշացնում են Ամերիկայի հեռաւոր գաղութի հայրենակիցներին այդ բոնակալներից . չէ՞ որ դրանք հայ ժողովրդի համար անէծք են դարձել եւ որեւէ հողոտքերի տակից կորցնելով ու դուրս նետելով այնտեղից , իրենց խայտառակ արարքները այսօր շարունակում են արտասահմանում :

Կամ բանւոր դասակարգը գիւղացիութեան հետ եւ կամ բուրժուազիան . կամ կօմունիստները եւ կամ դաշնակները : Այսպէս' է կեանքի կողմից առաջադրւած երկրնտրանքը :

Դաշնակցական թերթերի «գրողները» որքան ուղում են կարող են տրտնջալ Ընկեր Ա . Մարտունու դէմ . սակայն այդ երկրնտրանքի «հնարողը» նա չէ : Դա առաջադրւած է արդի կապիտալիստական հասարակութեան դասակարգային ամբողջ հակասութիւնների կողմից եւ , ինչպէս Եւրոպայի յետպատերազմական փորձը ցոյց է տւել , ունի մէկ հատիկ լուծում . այն է՝ խորտակել բուրժուազիայի տնտեսական եւ ֆաղաքական տիրապետութիւնը եւ այդպիսով ձերբազատել աշխատաւոր մարդկութեան ամբողջ ստեղծագործ ու արտա-

Պրօլետարիատ եւ բուրժուազիա . կօմունիզմ եւ Դաշնակցութիւն , — սրանց միջեւ չկան չօշափման եզրներ . սրանք հակոտնեաններ են :

Եւ միանգամայն աւելորդ կերպով է բարկանում «Ասպարէզ» , երբ նա խօսում է «միամիտ» մարդկանց մասին . այդպիսի «միամիտներին» «Ասպարէզ» պէտք է որոնէ սեփական շարքերի մէջ , որովհետեւ կօմունիստները չեն , այլ դաշնակները , որ Ռիգա պատիրակներ են ուղարկել «բանակցութիւնների» համար՝ Սօվետական իշխանութեան ներկայացուցիչների հետ . յետո Գենովա՝ Ընկ . Զիչերինի մօտ . յետո (տակաւին մի քանի ամիս սրանից առաջ) ինքը «պատասխա-

նատու կօմիտէն» կրկնած է այդ փորձը. այս անգամ . . . ԲԵՐ-
ԼԻՆՈՒՄ :

Եւ ամեն անգամ նրանց պատասխանւել է այնպէս, ինչ-
պէս Դրօյին կովկասում. «Նախ հրաժարւեցէք դաշնակցական
մտայնութիւնից, նախ դադարեցէք (եթէ երբէ՛ք կարելի է
այդ) լինել կապիտալի ծառան, այն ժամանակ կընդունւիք
աշխատաւոր ժողովրդի ընտանիքի մէջ» :

«Ո՞րտեղից է այս ատելութիւնը Դաշնակցութեան հան-
դէպ» — զարմացած հարցնում են դաշնակ թերթերի «միա-
միտ» հրապարակախոսները :

Հարցրէք առաջին իսկ պատահած բանւորին կամ գիւղա-
դրող ուժերը :

ցուն եւ նա ձեզ կպատասխանի թէ որտեղից է գալիս ատելու-
թեան այդ զգացումը հանդէպ իր գործարանատիրոջ կամ
կալածատիրոջ եւ կամ աւելի ճիշտ՝ հանդէպ բոլոր գոր-
ծատէրերին եւ կալածատէրերին. դսասկարգային կուի ըդ-
գացումը բնական եւ անհրաժեշտ ներքին տրամադրութիւն՝
է բուրժուական Դաշնակցութեան դէմ, նոյն իսկ չնայած
նրան, որ դա տապալւած է եւ իր վերջին օրերն է ապրում:
Դասակարգային համակրանքները, ինչպէս յայտնի է մեծ
հետեւողականութիւն ունին իրենց մէջ եւ հաստատուն են:

Երբէք պէտք չունին «Ասպարէզ»ն ու «Հայրենիք»ը հա-
նելուկներ հնարելու, Քաջազնունու «ստւերը» օգնութեան
կանչելու եւ կամ կօմունիստների սրտերի խորերը թափան-
ցելու:

Ամեն ինչ պարզ է առանց այդ դժւարին եւ ապարդիւն
աշխատանիքների եւս :

Բայց երկու յարգելի խմբագրութիւնները կօմունիստնե-
րի դէմ զայրանում են ոչ միայն նրա համար, որ դրանք մեր-
կացնում են դաշնակներին ամերիկահայ բանւորների առջեւ,
այլ եւ այն «միջոցների» համար, որ գործադրում են «նեն-
կամիտ» բոլշեվիկները այդ կուի մէջ:

«Չեկա», բանտ, հրցանազարկ անել՝ երկրի ներսում.
կաշառք եւ կեղծիք՝ արտասահմանում, — ահա՛ բոլշեվիկնե-
րի միջոցները՝ դաշնակների դէմ մղած պայքարի մէջ:

Ինչպէս յայտնի է, գրել կարելի է ամեն ինչ. բայց գրա-
ծը ապացուցել, «գրողների» համար շատ աւելի դժւար է.
յաճախ նաեւ անկարելի:

Եթէ «Չեկա»ն իրապէս ճնշողական այն մեթօդներին դի-
մած լինէր, որոնց մասին այնքան շատ եւ աներկրայելի կեր-
պով պոռում ու կանչում են դաշնակները Եւրոպայի ու Ամե-
րիկայի բոլոր անկիւններում, այն ժամանակ գոյութիւն չէին
ունենալ ո՛չ «Հայրենիք»ի, ո՛չ «Ասպարէզ»ի խմբագրութիւն-

ները, ո'չ էլ դաշնակցական ուրիշ օրդաններ. չին լինել նա-
եւ «պատասխանատու» եւ անպատասխանատու «կօմիտէ-
ներ», որովհետեւ դրանցում գործող համարեա բոլոր ան-
ձինք «Զեկայի Իշխանութեան տակ» էին ժամանակին: Բայց
ինչպէս տեսնում էք, դրանք ոչ միայն հրացանազարկ չեն
եղած, այլ եւ ողջ-առողջ արտասահման ընկնելով այնքա՞ն
փաղաքշական տօնով պատմում են «արիւնարբու Զեկայի»
ժամանին:

«Ասպարէզ»ը յիշատակում է մի «խօսակցութիւն» բան-
ւորներից մէկի հետ՝ համալսարանի մասին. այդ յիշեցնում է
մեզ մի ուրիշ խօսակցութիւն դաշնակցական բանւորի հետ՝
Զեկայի սարսափների մասին:

Կարդալով այդ սարսափների վերաբերմամբ դաշնակցա-
կան թերթերում, բանւորը ըստ երեւոյթին չի կարողացել
խափանել իր կասկածներից մէկը, որ ինձ ուղղած հետեւեալ
հարցումի մէջ էր ամփոփւած. «Որ Զեկան սարսափելի մի
հիմնարկութիւն է, ես այդ մասին կասկած չունիմ, որովհե-
տեւ հաւատում եմ իմ ընկերների վկայութիւններին. բայց
ինչո՞ւ համար այդ արիւնարբու հիմնարկութիւնը, որ ան-
մեղներին անգամ գնդակահարում էր, բոլոր դաշնակցական
ղեկավարներին ազատ է արձակել, նրանց ընտանիքներին, եւ
նրանցից շատերին թոյլ է տւել առանց արգելքի արտասահ-
ման անցնելու»:

Ես առաջարկեցի միամիտ դաշնակ-բանւորին այդ հար-
ցումով դիմել «Հայրենիք»ի խմբագրութեան, ուր նոյնպէս
«Զեկայի զոհերն» են նստած:

Ընդհանրապէս լաւ չպիտի՝ վիճը դաշնակների համար,
լոել սարսափների եւ հրացանազարկութեան մասին: Զէ՞՞ որ
ամենքի մօտ յիշողութիւնը այնքան կարճ չէ, եւ խիղճը այն-
քան բթացած, ինչպէս նրանց մօտ. չէ՞՞ որ դաշնակցական
«մարդասէր ու դեմօկրատական» պահակի բոլոր խայտառա-
կութիւնները կարող են լոյս աշխարհ դուրս դալ:

Զեկայի դործունէութեան հետեւանքը եղած է՝ դաշնակ-
ների գաղթը դէպի «դեմօկրատ» Եւրոպան եւ Ամերիկան, ուր
որ նրանք, թերեւս ոչ կատարեալ առողջ մտային վիճակով,
սակայն առողջ մարմնով կարողանում են շարունակել իրենց
«խիստ օղտակար» գործունէութիւնը:

Իսկ դաշնակների «դեմօկրատական» պահակը հետեւեալ
խիստ «մարդասիրական» միջոցներին է դիմել.— Միջին
հրացանազարկ է արել Ալեքսանդրապոլում մայիսեան դէպֆե-
րից յետո ձերբակալւած 10 հոգու, որոնց մէջ նաեւ խորհր-
դարանի անդամ Մելքոնին, որ բօլշեւիկ չէ եղած. առանց
դատի, պատժական վաշտերի գլխաւորների հրամանով հրա-

ցանազարկ են եղել նաեւ հարիւրաւոր բանւորներ եւ գիւղացիներ՝ Ղարսի շրջանում, Նոր-Բայազէդում եւ ուրիշ տեղեր : Բանտերը լցրել են ոչ միայն կօմունիստներով եւ կօմունիստական շարժման համակիրներով, այլ եւ բոլոր նրանցով, որոնք «բարեյոյս» չեին երեւում օխրանային : Սրերով գաղանաբար կտոր-կտոր են արել բանտում սօցիալ-դեմոկրատ Պատօվեանին, Գեանջեցեանին եւ հազարաւոր անանում բանւորների ու գիւղացիների, որ բոլշևիկներ չեին . եւ որպէս վերջնական պսակում իրենց «լուսաւոր» քէժիմի, Տաթեւում, ժայռերի կատարներից անդունդների մէջ են նետել հարիւրից աւելի կօմունիստ համակիրների եւ պատանդների, որոնց մէջ էին մտաւորականներ, բանւորներ եւ գիւղացիներ :

Դաշնակցական պահակի այս-վերջին սոսկալի արարքի մասին շատ է գրւել նոյն իսկ դաշնակցականների կողմից . մինչեւ անգամ Վրացեանը փորձել է իր վրայից վերցնելու պատասխանատւութիւնը այդ սարսափելի ոճրագործութեան, բայց դաշնակցական օխրանայի դլխաւորը թավրիզում հրատարակել է մի նամակ, որով նա ուղղակի մեղադրում է Վրացեանին եւ նրա ամբողջ կառավարութիւնը . եւ միանգամայն ապացուցել է նա այդ : Վերջապէս Երկրորդական խնդիր է թէ ո՛վ է անմիջական պատասխանատուն այդ միջնադարեան եղանակով գործադրւած տանջահարութեան եւ անմեղ մարդկանց անխորհուրդ սպանութիւններին, որովհետեւ իրական պատասխանատուն հանդիսանում է դաշնակցական կուսակցութիւնը :

Շարունակե՞լ արդեօք «սխրագործութիւնների» նկարագրութիւնը . . . Զափից աւելի թուղթ պէտք պիտի լինէր դրահամար :

Ո՛չ, «Ասպարէգ»ի եւ «Հայրենիք»ի պարոններ, լաւ է, եթէ երբէք չշօշափիէք Զեկայի «սարսափները», եթէ չէք կամենում որ աշխարհին ցուցադրէք ձեր արիւնուտ ձեռքերը եւ կեղծող բերանները . . . :

Զեկայից յետո՝ բանտը :

Այստեղ վիճելու պէտք չկա . մենք վճռականապէս յայտարարում ենք, որ ո՛չ միայն Սօվետական Հայաստանի բանտերում, այլ եւ Սօվետական միւս Հանրապետութիւնների բանտերում մէկ հատիկ դաշնակցական չի գտնուում, եւ այդ տեղեկութիւնը ամենից առաջ ստացւել է հենց իրենցից՝ արտասահմանեան դաշնակցականներից, որոնց լաւ յայտնի էր այդ եւ որոնք մեզնից աւելի առաջ գիտէին այդ մասին :

Այդ տեղի է ունեցել, ո՛չ թէ այն պատճառով, որ Սօվետական իշխանութիւնը շատ «սիրում է» դաշնակներին . այլ

միայն նրա համար, որ երկրի մէջ այլեւս գոյութիւն չունի «բազմարդէտութիւն»։ իսկ նրանք, որոնք մնացել են, Դրօյի հետ կանգնած են «ճամբաների բաժանման» կէտի վրա եւ վաղուց կտրւել են արտասահմանի հակայեղափոխական կենդրոններից։

Նախկին դաշնակների համագումարները, որ կովկասի մէջ այդ կուսակցութեան դերեզմանափորների դերն են կատարում, քայլայման պրօցեսն իր վախճանին են տանում, որ, սկսւել է Դաշնակցութեան կենդրոնական Կօմիտէից՝ Վրաստանում, Դաշնակցութեան կովկասեան կազմակերպութիւնների կողմից լիազօրւած Դրօյից եւ Եւրոպայում Զալիսուշեանից ու Հայաստանի դաշնակ կառավարութեան առաջին նախագահ եւ կուսակցութեան առաջնորդ Քաջազնունու կողմից։ Բօլցեւիկների խնդիր չկա այստեղ. «Զուկը դլիից է հոտում»։

Այստեղ էլ երբէք պէտք չկա մեղքը Զեկայի վրա ձգելու։ Ո՛չ ո՞ք վերեւ մատնանշւած անձնաւորութիւններից եւ հիմնարկութիւններից, որոնք կազմակերպական կերպով Դաշնակցութիւնը քայլայել են, (քանի որ բարոյակս եւ դադափարային տեսակէտից նա քայլայւած էր արդէն Յեղափոխութեան միջոցով եւ բանւոր դասկարգի յաղթանակով՝ բուրժուազիայի հանդէպ), Զեկայի գործակալ չէ հանդիսանում եւ «Հայրենիք»ի ու «Ասպարէզ»ի յօդւածագրերը իրենք չեն համարձակում պնդել այդ։

Ի դէպ, այդ իրողութիւնը ընդունում է «Հայրենիք»ը ինքը, ջանալով «բացատրել» Դաշնակցութեան քայլայումը. բայց խնդիրը «կօմենտարիաների» մէջ չէ, այլ փասերի. իսկ փասերը ո՛չ ոք չի կարող բացասել, նոյն իսկ դաշնակ խմբագիրները չեն կարող։

Ինչ կաշառելուն է վերաբերելում, որ իբր թէ բօլցեւիկները գործադրում են արտասահմանում, այդ մասին շատ խօսելու պէտքը չկա. բացորոշ է, որ դաշնակները ամեն ինչ չափում են իրենց սեփական արշինով. բայց չի կարելի ընդունել վերջապէս, որ արտասահմանի ամբողջ հայութիւնը բաղկացած է «Հայրենիք»ի եւ «Ասպարէզ»ի աշխատակիցներից եւ դաշնակցական ուրիշ գիշատիչներից։

Դառնանք վերջին «միջոցին», որով «նենդ» բօլցեւիկները դէպի իրենց են ուզում գրաւել արտասահմանեան հայերի սրտերը եւ քայլայել Դաշնակցութիւնը։ Այս «քայլայումը» եւ «գրաւումը» երկու խմբագրութիւնների համերաշխ յայտարարութեամբ խեղաթիւրւած տեղեկատութեան եւ գիտակցական կեղծիքի արդիւնք է։

Տեսնենք։

Բ

ԴԱՇՆԱԿՑԱԿԱՆ «ՃՇՄԱՐՏՈՒԹԻՒՆԸ» ԵՒ
ՊԱՏՄԱԿԱՆ ՓԱՍՏԵՐԸ

Նախ մի-քանի խօսք «Առաջարկ»ի եւ «Հայրենիք»ի յօդ-
ւածագրերի «մեթօդների» մասին, որոնցով նրանք սկսում են
ցուցահանել իրենց «ճշմարտութիւնը» եւ բոլշեվիկեան «կեղ-
ծիքը»:

Այդ մեթօդը շատ հասարակ է. անդրադառնալով «քըն-
նադատութեան» ենթակա ընկեր Մարտունու կամ ուրիշ կո-
մունիստի որեւէ մի մտքին կամ քէզին, դաշնակ խմբագրու-
թիւններից եկող «քննադատները» աւելի յարմար են համա-
րում երբէք չզբաղւել փաստերի վրա հիմնւած այս կամ այն
ճշմարիտ յայտարարութեամբ, այլ ուղղակի մէջբերում են
անում եւ կրծքները ծեծելով սկսում եռանդադին բացական-
չել «Զէ՛ ու չէ՛»:

Թերեւս դա բաւականաչափ կտրական եւ «գեղարւեստա-
կան» ձեւ է, եւ սակայն պէտք է խոստովանել, որ այնքան էլ
համոզիչ չէ:

Ամբողջ աշխարհին յայտնի է, որ կօմունիստների բոլոր
ասածները եւ արածները դաշնակների համար միայն եւ մի-
այն «Զէ՛ ու չէ՛» է. բայց հենց այդ «Զէ՛»ն է, որ պէտք է
առարկայական փաստերով ապացուցել, ինչ որ անկարելի է
դտնել դաշնակների մամուլի մէջ:

Մենք թոյլ ենք տւած մեղ խուսափելու այդ հասարակ եւ
«գեղարւեստական» մեթօդից եւ պիտի գործենք միայն փաս-
տերով, որոնց հանդէպ այնքա՞ն քիչ համակրութիւն կա մեր
«քննադատների» կողմից: Փաստերը շատ լուրջ բաներ են.
Նրանք երբէք չեն ոչնչանում բացականչութիւններով, որքան
էլ դրանք կտրուկ ու բարձրակոչ լինէին:

Դառնանք հիմա դաշնակների «ճշմարտութեան» եւ կօ-
մունիստների «կեղծիքին»:

Հայաստանը, խորհրդային պետական կազմ ընդունելուց
յետո համարեա թէ դարձել է ոռոսական մի նահանգ — սլըն-
դում են երկու խմբագիրներն էլ: Եւ որպէս ապացոյց մատ-
նանշում են նրանք Մարտունու ասածները: Բայց ի՞նչ է ա-
սում Մարտունին: Նա ասում է թէ երբ դալիս է Խորհրդա-
յին իշխանութիւնը որը սովորեցնում է ժողովրդին լինել ինք-
նուրոյն, ունենալ որոշ դէմք, երբ «Յեղափոխութիւնը կա-
պում է նրան ոռոսական բանւորութեան եւ հարեւան ժողո-
վրդների աշխատաւորութեան հետ, երբ կօմունիստական

Կուսակցութիւնը նրան մէկընդմիշտ հեռացնում է յափշտակիչներից ու միջազգային աւազակներից» եւ հենց դրանով էլ նա ստեղծում է ազատ, աշխատաւորական Հայաստանը, այն ժամանակ դաշնակները գալիս են եւ խուժանավարական կերպով սկսում են աղմուկ բարձրացնել ամենուրեք, իրը թէ այդ աղմուկը անկախութեան եւ ազատութեան կորստի համար է :

Մարտունու այդքան պարզ եւ աներկդիմի յայտարարութիւնից «Հայրենիք»ի «իմաստուն» յօդւածագիրը բարեհաճում է եղրակացնելու, որ Մարտունին ինքը խոստովանում է, թէ Հայաստանը «կախւած է» «Յեղափոխութիւնից եւ Կօմունիզմից» :

Այստեղ մենք գործ ունինք մի փոքր գրական անպատշաճութեան հետ, որը սովորաբար անւանում են «խարդախութիւն» : «կապւած» բառը փոխում է «կախւած»ի : Ի հարկէ, «ազատութեան» մասին ճառող դեմագօֆները կարող են իրենց շատ ազատ զգալ այդպիսի խարդախութիւններ անելու : Բայց դատողութիւն ունեցող մարդը բաւականաչափ ինքնատիպ պիտի գտնի «սրամիտ քննադատի» այն ըմբռնողութիւնը, թէ երբ ֆրանսիական եւ անգլիական բուրժուազիայի շահերը այդ երկու երկրները կապում են իրար հետ, այդ նոյնն է նշանակում թէ Ֆրանսիան եւ Անգլիան կորցրել են իրենց ինքնիշխանութիւնը, իրենց պետական անկախութիւնը եւ բնկերա-իրաւական տեսակէտից դարձել են «կախեալ» : Ի հարկէ անմտութիւն է այդ. սակայն «Հայրենիք»ի անպատասխանատու յօդւածագրին ի՞նչ կարող են խանգարել այդպիսի բաներ : Բաւական է, եթէ կարելի լինի ցեխոտել «չար բոլշևիկներին» . իսկ դրա համար կարելի է դիմել ոչ միայն մի փոքրիկ խարդախութեան, — կարող է պատահել որ դա չնկատվի, — այլ եւ կարելի է ազատ համաձայնութիւնը, որ տեղի է ունեցել յանուն Խորհրդային Միութեան աշխատաւորների շահերին, փոխել եւ դարձնել «կախում» , որը ենթադրում է օտար կամքի բոնի պարտադրում :

Ինչի՞ց է աւելի դժգոհ մեր բարկացայտ «քննադատը» : Կատարեալ կատաղութեան մէջ, հայհոյական փրփուրը բերնին, նա ընկ . Մարտունու այն խօսքերից թէ մեր երկիրը կապւած է Յեղափոխութեան եւ պրօլետարիատի հետ, հաւասարակշութիւնը կորցնելով եւ իր յայտարարութեան հետեւանքի մասին երբէք չմտահոգելով բղաւում է . «Հայ ժողովրդի համար օտար ուժեր են» Յեղափոխութիւնը եւ Պրօլետարիատը : Ահա՛ հենց այդտեղ էլ թաղնւած է բարկացկոտ յօդւածի ամբողջ բանալին : Անշուշտ, մենք էլ երբէք կակած չենք ունեցել դրանում եւ շատ ուրախ ենք, որ «Հայրենիք»ը գալիս է ինքը հաստատելու «սեւով սպիտակի վրա» ,

որ հայ բուրժուազիայի համար Յեղափոխութիւնը եւ Պրօլետարիատը» ոչ միայն «օտար ուժեր» են, այլ եւ թշնամի ուժեր : Միայն բաց է մնում այն հարցը թէ ի՞նչ գործ ունին այստեղ հայ աշխատաւոր ժողովուրդը, բանւորները եւ գիւղացիները : Այստեղ էլ ամբողջ արդիւնքը հետեւանք է փոքրիկ խարդախութեան հին, փորձւած «մեթօդ»ի . «բուրժուազիա» բառը յօդւածագրի կողմից փոխարինում է «հայ ժողովուրդ»ով եւ այնուհետեւ պատրաստ է բարկածայթ «դեմօկրատական» ճառը եւ վայելու «հայրենասիրական» կեցւածքը :

Հայ ժողովուրդը, որ բարկացած է պրօլետարիատից եւ գիւղացիներից, իր ազգային ու դաստիարակային անկախութիւնը ձեռք է բերել Յեղափոխութեան ճանապարհով եւ Յեղափոխական Դաշն կապելով դրացի ժողովուրդների բանւորութեան եւ գիւղացիութեան հետ : Այդ իրողութիւնից յետով վեր կենալ եւ յայտարարել թէ «Յեղափոխութիւնը եւ Պրօլետարիատը» օտար ուժեր են այդ ժողովրդին, նշանակում է լինել շատ օտար այդ ժողովրդին : Այդպէս կարող են յայտարարել միայն «Հայրենիք»ի բարկացկոտ գրչակները, որոնք այնքան սիրում են «ճշմարտութիւնը», բայց, որոնց աւաղ... «ճշմարտութիւնը չի սիրում» երբէք :

Այժմ դառնանք փաստերին : Ինչպիսի՝ «անկախութիւն» գոյութիւն ունէր Հայաստանում, դաշնակների տիրապետութեան օրով : Ի՞նչ «անկախութիւն» էր այդ, որը այնքան գուրգուրանքով ողբւում է այսօր դաշնակների կողմից եւ որին վերջ տւին Բօլշեվիկները իրենց «կապով Յեղափոխութեան եւ Պրօլետարիատի հետ» :

Ալեքսանդրապոլի խորհրդակցական ժողովում, որ վրձնական նշանակութիւն ունեցաւ, Հայաստանի անկախութեան հռչակումը, բոլոր քաղաքական կուսակցութիւնների եւ առանձնապէս Դաշնակցութեան կողմից նանաչւեց որպէս աննպատակայարմար, իսկ անկախութեան ակտը՝ վնասակար : Մի օր վերջը միայն, Գերմանիայի եւ Տանկաստանի ննշման տակ Անդրկովկասեան Սէյմի դաշնակ պատւիրակները եւ այդ կուսակցութեան ղեկավար մարմինները ստիպւած զգացին յայտարարելու անկախութիւնը : «Անկախ» Հայաստանի «կառավարութիւնը» դեռ երկար ժամանակ այդ ակտից յետոնստած էր մնում Թիֆլիսում, չհամարձակւելով մեկնիլ դէպի «իր երկիրը» եւ դարձեալ վրաց կառավարութեան ննշման տակ էր, որ հայ «կառավարութիւնը» նստած վրացիների կողմից սիրալիրաբար նւիրւած սալօն-վագօնում շարժւեց դէպի «սիրեցեալ հայրենիքը»՝ շատ ծանր հառաջանքներով : Դէպի «Անկախ, դաշնակցական» Հայաստանի գոյութեան ամ-

բողջ երեք տարւայ ընթացքում, երկիրը փաստօրէն կառավարւել է Թիֆլիսից՝ անգլո-ֆրանսիական զօրքի հրամանաւարութեան կողմից:

Ներքին քաղաքականութիւնը, վէճերը կուսակցութիւնների միջեւ, արտաքին յարաբերութիւնները, սահմանագծային հարցերը, եւ այլն, բոլորը կարդաղրում էին անգլիական եւ ֆրանսիական զօրավարների ու գնդապետների կողմից, որոնք իրենց յարմար տեսած եղանակով գրաւում էին այս կամ այն հողամասը, փոխում էին այդ տեղերի իշխանութիւնները, որոշում էին այդպիսի շրջաններում տիրող բեժիմը եւ ներքին կարգ ու կանոնները: Լոռին, Զանգեզուրը, Ղարաբաղը, Նախիջեւանը, Ղարսը փայլուն օրինակներ են տալիս դրա համար: Դեռ բոլորի յիշողութեան մէջ թարմէ այսպէս անւանւած հայ-վրացական պատերազմը, որ դադար առաւ համաձայնական պետութիւնների զինւորական հրամանատարութեան հրահանգով. յայտնի է նաեւ այդ պետութիւնների «խաղաղութեան դաշնագիրը», որ գրւած ու պատրաստւած էր անգլիական մի մէլիջըրի կողմից եւ որը պարտաւորւած էին ստորագրելու երկու կողմերի «դիպլոմատները» «առանց որեւէ դիտողութեան», եթէ չենի սխալում... երկու ժամայ ընթացքում:

Այդպիսի փաստեր չափից աւելի շատ զոյութիւն ունին, որպէսզի կարելի լինէր բոլորը թւել, եւ չափից աւելի էլ թարմ են դրանք այն մարդկանց յիշողութեան մէջ, որոնք սովորութիւն չունին դիմելու «գիտակցական մոռացութեան», որպէսզի պէտք լինէր յիշեցնելու:

Եթէ «անկախ» Հայաստանի ներքին եւ արտաքին քաղաքականութիւնը գտնւել է անգլո-ֆրանսիական հրամանատարութեան ձեռքում, ապա երկրի մատակարարութեան եւ սօցիալական օդնութեան գործը կենդրոնացած է եղել ամերիկացիների ձեռքում. թէ դրանք ինչքան յարգում եւ ակնածում էին «անկախ Հայաստանի կառավարութիւնից» դա երեւում է նրանից, որ ամերիկեան պաշտօնեաներից մէկը, մի մէլիջըր թէ գնդապետ, համարձակութիւն էր ստանում կառավարական մի բանկետի մէջ Դիլիջանում յայտարարելու ամբողջ «Մինիստրական Խորհրդի» երեսին թէ՝ իր գործունէութեան ամբողջ ընթացքում Հայաստանի մէջ «չէ հանդիպած ոչ մի ազնիւ հայի»: Յիշատակելու առանձին պէտքը չկա, որ ամերիկացու հանդիպած հայերը մշտապէս դաշնակ պաշտօնեաները եւ «մինիստրներն» են եղած:

Ասում են, որ այդ «փաղաքական» բնոյթագրից յետո դաշնակ կառավարութեան դիմուոր Այլը. Խատիսեանը ներողութիւն է խնդրել այդ մէլիջըրից: Ինչի՞ համար. ինչո՞վ

էր զբաղւած այդ դէպքում «անկախ երկրի կառավարութիւննը»։ Ինչպէս ընթերցողը դիտէ, ոչնչով։ Այդ կառավարութիւնը միայն ազգային մի վերարկու էր, որով ծածկում էին իմալերիալիստների իղձերը եւ գործերը։

Ինչպէ՞ս էր կարելի դարձել այդ։

Միայն այն պատճառով, որ հայկական բուժուազիայի շահերը, որոնց ներկայացուցիչն էր դաշնակ կուսակցութիւնը, զուգադիպւել էին անգլօ-ֆրանս-ամերիկեան կապիտալիստների շահերին եւ հենց դրա համար էլ ստեղծւել էին նրանց համագործակցութեան պայմանները, որոնց տակ պիտի շահագործման ենթարկւէին հայ աշխատաւոր զանգւածները։

Երբէք փորձ արե՞լ է Դաշնակցութիւնը այդ կախւածութիւնից ազատւելու եւ «իր երկիրը» որպէս «անկախ կառավարութիւն» հաստատելու։

Ինչպէս յայտնի է, այդ կուսակցութեան ամբողջ «արտաքին քաղաքականութեան» էութիւնն էր՝ գտնել «յանձնակատար» մի պետութիւն։ այսինքն կապիտալիստ մի կառավարութիւն, որ համաձայնութիւն տար Հայաստանը «իր դադութը» դարձնելու։ Հիմա, երբ մենք ունինք Պաղեստինը, Արարիան, Միջազետքը եւ ուրիշ երկրամասեր՝ իմպերիալիստական «յանձնակատարութիւնների» տակ, շատ լաւ դիտենք թէ ինչ է նշանակում տիրահռչակ «մանդատը»։ Դա ուրիշ բան չէ, քան իմալերիալիստ պետութիւնների գաղութային տիրապետութիւն։ Եւ եթէ բուժուական հեռատես կառավարութիւններից ոչ մէկը չգտնւեց իր կապիտալով մի այդպիսի «անստոյգ ձեռնարկի» մէջ բիսկ անելու, հարկաւ, վախենալով Տաճկաստանի հետ ընդհարւելուց եւ կամ Ռուսական Յեղափոխութեան մօտիկութիւնից, ապա այդ խընդրում չի կարելի շատ մեղադրել դաշնակ «բանաստեղծական դիւանագէտներին» կամ «դիւանագիտական բանաստեղծներին»։ Նրանք մարդկային կարողութեան սահմաններում գտնւած ամեն բան արին, որպէսզի «ազատ, անկախ Հայաստանը» օտար կապիտալիստներին տան կապալով, — մի երկիր, որ այնքան հեշտ կերպով, կայսեր եւ Սուլթանի բարեհաճութեամբ տրւել էր նրանց։

Եթէ այդ բոլորը «Հայրենիք»ի եւ «Ասպարէզ»ի համար «իրական անկախութիւն» է նշանակում, ապա ճիշտ է, որ Խորհրդային Հայաստանը այդպիսի անկախութիւն չունի եւ նա ամբողջ ուժով պիտի պայքարի նրանց բոլորի դէմ, որոնք կհամարձակւին հայ գիւղացու եւ բանւորի ազատ ուսերի վրա դադութային լուծը դնելու փորձն անել, հոգ չէ թէ ինչ

գոյնզգոյն փալասներով զարդարւէին վտարւած բուրժուազիայի «զաղափարները»:

Խարդախութեան միջնորդութեամբ Խորհրդային Հայաստանի անկախութեան հետ դործը «վերջացնելուց» յետո «Հայրենիք»ի յօդւածագիրը շատ վայելուչ եւ «դէպքին պատշաճ» կեցւածք առնելով, շարունակում է իր հակածառութիւնը. «Կա՞ այսօր Խորհրդային Հայաստանի մէջ խօսքի եւ մամուլի գէթ նւազագոյն ազատութիւն»։ ապա շարւում են դաշնակցական «ազատութեան» մնացած բոլոր բարիքները։

Այո, «խօսքի եւ մամուլի ազատութիւն», — բայց որո՞նց համար, — մենք հարցնում ենք վրդովւած յօդւածագրին։

Բուրժուազիայի եւ նրա պնակալէզների համար՝ Ո՞Չ, ինչ քանի որ նրանք վերջնականօրէն դեռ վար չեն դրած զէնֆերը։

Բանւորների, գիւղացիների եւ նրանց բոլորի համար, որոնք օգնում են Նոր Հայաստանը տեղծագործելու՝ ԱՅՈ՛։

Եւ թող երբէք «Հայրենիք»ի ու «Ասպարէզ»ի «հեղինակները» տրտնջացող երես եւ «շնորհալի» կեցւածքներ չառնեն։ Մենք անում ենք միանգամայն «հակառակը» այն բոլորի, ինչ որ արել են ձեւական դեմօկրատիզմի կեղծ քուրմերը։

Դաշնակցական տիրապետութեան ժամանակ «դեմօկրատական բոլոր ազատութիւնները» գոյութիւն ունէին միայն բուրժուազիայի համար։ Բանւորները եւ գիւղացիները զըրկւած էին այդ իրաւունքներից։

Դաշնակների Հայատանում գոյութիւն ունեցե՞լ է թէկուզ մէկ հատիկ բանւորական կամ գիւղացիական թէրթ, որ չգոյւէր կառավարութեան կողմից։ Երեւանի եւ Ալեքսանդրապոլի բանտե՞րն էին «խօսքի ազատութեան», «դեմօկրատական» երաշխիքները։ Թէ՞ Տաթեւի ժայռերը, որոնց կատարներից անդունդների մէջ էին նետում տարբեր մտածողութեան տէր մարդիկ։ ա՞յդ էր, որ կոչւած էր ապահովելու «ազատ, անկախ» Հայաստանում «անձի անձեռնմխելիութիւնը եւ ապահովութիւնը»։

Համադասակարգային «դեմօկրատիա» գոյութիւն չունի. կա՞մ «ազատութիւն» բուրժուազիայի համար եւ մահ աշխատաւորներին, եւ կամ աշխատանքի դեմօկրատիա եւ վերջ բուրժուազիային։

Դաշնակները ընտրել էին այդ երկընտրանքներից առաջինը։ Մենք գերադասում ենք երկրորդը. այսինքն՝ ազատութիւն բանւորներին եւ գիւղացիներին որ մեր ժողովրդի 90 տոկոսն են կազմում եւ «բոնութիւն» նրանց թշնամիներին։

Բայց եթէ դուք այդքան վստահ էք, որ աշխատաւոր

ղանգածների լայն շրջանները համակիր են Խորհրդային Իշխանութեան, ինչո՞ւ ժողովրդին իրաւունք չէք տալիս «ազատօրէն իր կարծիքը» յայտնելու. զայրացած դիմագծերով հարց են տալիս դաշնակ «իմաստունները» եւ վրաց սօցիալդեմոկրատների խօսքերը թութակելով, պահանջում են իրայատուկ մի «պլեբիսցիտ», համաժողովրդական քւէարկութիւն :

Այդ պահանջը շատ ծիծաղելի պիտի համարէինք եւ դրանով էլ բաւականանայինք, եթէ դա խուժանավարօրէն չափւած չլինէր ամերիկահայ ընթերցողների անտեղեակութեան վրա :

«Իրապէս» կարող է մտածել ընթերցողը, «ինչո՞ւ Խորհրդային Իշխանութիւնը վախենում է քւէարկութիւն նշանակելուց» :

Սակայն այդ «գիւտի» ամբողջ «ֆոկուսը», որ դաշնակները աւելի լաւ բան մտածելու ընդունակութիւն չունենալով, փոխ առել են վրացիններից եւ ձեռներն առած բոլոր չորս ուղղութիւններով «դռներն են ծեծում», ուրիշ բան չէ կըրկին, քան մի խարդախութիւն. միայն այս անգամ բաւական խոշորկեկ մի խարդախութիւն :

Ամբողջ խնդիրը նրանումն է, որ այդպիսի ընտրութիւններ ու աշխատաւորների կարծիքների ստուգումներ՝ քւէարկութիւնների միջոցով, տեղի են ունեցած մէկից աւելի անգամներ : Դաշնակները շատ լաւ ծանօթ են այդ իրողութիւններին եւ գիտակցաբար ծածկում են դրանք :

Բացի այդ նրանք իրաւական ուեւէ հիմք էլ չունին պահանջելու այդ : Զէ՞՞ որ դաշնակների կառավարութիւնը ընդունելով, որ երկիրը կորցրել է վստահութիւնը դէպի ինքը, ընդարձակ զանգւածների անբաւականութեան ճնշման տակ, «կամովին» կերպով պարտաւորւած էր զգացել իշխանութիւնը յանձնելու կօմունիստներին : Այդպէս սիրում են խօսել իրենք դաշնակները :

Ուրեմն կուսակցութիւնը ինքը ընդունել էր որ ժողովրդի ճնշող մեծամասնութիւնը իր դէմ է եւ կուզէ Խորհրդային Իշխանութիւն : Հակառակ դէպքում ուեւէ իմաստ չունէր իշխանութեան «կամովին» յանձնելը : Ինչո՞ւ այլեւս աղմուկ հանել . ինչո՞ւ էք այլեւս պահանջում ստուգելու այն, ինչ որ ինքներդ նանաչել էք որպէս անվիճելի եւ պարզ :

Ամբողջ երկրի մէջ Խորհրդային Իշխանութիւն հաստատելուց յետո տեղի են ունեցել աշխատաւորների ներկայացուցչական հիմնարկների ընտրութիւնները, սկսած գիւղական բջիջներից մինչեւ համահայկական համագումարը : Եւ այդ ընտրութիւնները, հակառակ Եւրոպային եւ Ամերիկա-

յին, ուր դրանք տեղի են ունենում 3-4 տարւա ընթացքում մէկ անգամ, ամեն տարի տեղի է ունենում Հայաստանում, զիւղական եւ շրջանային ինքնավարութիւնների ամենափրիկ օրգաններից սկսած մինչեւ համահայկական աշխատաւորական խորհրդարանը՝ Սօվետների Համագումարը։ Եւ ո՛չ մի անգամ, անցած երեք տարւա ընթացքում, ո՛չ մի ընտրութեան ժամանել եւ ո՛չ մի տեղ դաշնակները ոչ միայն քւէներ չեն ստացել այլ եւ չեն կարողացել ամենափրիկ ազդեցութիւնն ունենալ Հայաստանի բանւորների եւ զիւղացիների վրա։

Այս իրողութիւնը թագցնելով Ամերիկայի ընթերցողներից, դաշնակ «Հրապարակախօսները» հրապարակը աղմկում են «Ընտրութիւնների» վերաբերմամբ։ Եթէ ամեն դժգոհ գաղութային խմբակցութիւնների եւ խմբագրութիւնների պահանջները նկատի առնելին Հայաստանի Խորհրդային իշխանութեան կողմից եւ սարքւէին «պլեբիսցիտներ», այն ժամանակ կառավարութեան եւ ժողովրդին ուրիշ բան չէր մընալ անելու, քան տարին տասներկու ամիս կանգնած մնալ քւէտուփների մօտ։ Զէ՞ որ այդպիսի «դժգոհներ»ի, ուրեմն եւ պահանջների թիւր բաւական մեծ կարող է լինել։ Եւ չէ՞ որ ժողովուրդը եւ Խորհրդային Հայ կառավարութիւնը շատ աւելի կարեւոր գործեր ունին կատարելու, քան «Հայրենիք»ի եւ «Ասպարեզ»ի վրդովւած յօդւածագրերին «հանգստացնել»։

Բայց միեւնոյն է, դրանց անկարելի է ոեւէ բան ապացուցել եւ հասկացնել, եթէ եռամեա «պլեբիսցիտը» նրանց ոչինչ չի կարողացել սովորեցնել։

Գ

ԴԱՇՆԱԿՑԱԿԱՆ ՈՒՐԻՇ «ՃՇՄԱՐՏՈՒԹԻՒՆՆԵՐ» ԵՒ ՊԱՏՄԱԿԱՆ ԱՅԼ ՓԱՍՏԵՐ

Դաշնակ «Հրապարակախօսները» շարունակելով իրենց յարձակումները Խորհրդային Հայաստանի վրա, առանձնապէս զայրանում են ընկեր Մարտունու այն յայտարարութեամբ, որ Խորհրդային Հայաստանի կառավարութիւնը ըզդալապէս, համարեա երկու անգամ ընդարձակել է հանրապետութեան սահմանները։

Եւ ի՞նչպէս չզայրանալ։ Զէ՞ որ առանց յոզնելու այդ մարդիկ ամենուրեք եւ ամենքին, տեղի թէ անտեղի կերպով ազդարարել են որ Դաշնակցութիւնը միակ «հաւաքողն է հայ-

կական հողերի»։ Եւ յանկարծ գալիս է Մարտունին եւ մերկացնում նրանց կեղծիքը, ցոյց տալով, որ Խորհրդային Հայաստանի կառավարութեանը յաջողւել է հանրապետութեան դոյութիւն ունեցող միջուկին միացնել հայկական այն հողամասերն ու բնակչութիւնը, որոնք դաշնակցականների կողմից այնքան աննպատակ կերպով բաժանւած էին մնում։

Ինչպէս յայտնի է բարկութիւնը խանգարում է բանականութիւնը։ Եւ «Ասպարեզ»ի քաջ «Հեղինակը» մոռանում է միանգամայն, որ եթէ Հայաստանի ներքին կեանքի պարագաները համեմատօրէն դիւրին է թաղցնելու ամերիկահայ ընթերցողներից եւ դիմել «խմբագրական բլըֆների», ապա երկրի արտաքին կեանքի խնդիրները, նրա սահմանագծային հարցերը նշդւած են միջազգային նշանակութիւն ունեցող ակտերով, — ակտեր, որոնք գրւած եւ հրատարակւած են։ Եւ բաւական կլինի միայն դրանց վկայութեան կանչել, որպէսզի կեղծիքը ինքնին մերկապարանոց կերպով հրապարակի վրա դրւել։

Ահա՛ ինչ է գրում այդ առիթով «Ասպարեզ»ը։ Ի՞նչ վիճակի մէջ էր հայկական տերիտօրիան, իշխանութիւնը մեծամասնականների ձեռքը անցնելուց առաջ։

Ըստ «Ասպարեզ»ի Ալեքսանդրապոլի դաշնագրով «Կարսը եւ Սուրմալուն յանձնւած էին թուրքերին։ Նախիջեւանի կողմից հայկական բանակը կանգնած էր Շահթախթում։ Զանգեզուրը միացւած էր Հայաստանին։ Ղարաբաղը վիճելի էր Հայաստանի եւ Աղրբեջանի միջեւ։ Լոռին Սանահին կայարանից մինչեւ Սատախլու կայարանը եւ Ախլքալաքը վիճելի էին Հայաստանի միջեւ։

Այս «իրողութիւնները» թւելուց յետո, «Ասպարեզ»ի քաջ յօդւածագիրը հարցնում է հպարտօրէն թէ՝ «ի՞նչ փոփոխութիւններ մտցրին այս սահմանների մէջ հայ բօլշեվիկները յօգուտ Հայաստանի»։

Դուրս է գալիս, որ բօլշեվիկների կողմից ոչ մի փոփոխութիւն չէ եղած «յօգուտ Հայաստանի»։ Նոյն իսկ դաշնակների կողմից «խնայւած» հողամասերից այս կամ այն կտորը «պարգեւ» է տրւել ուրիշներին։

Ամենից առաջ տեսնենք թէ ի՞նչն է այստեղ ճշմարիտ, մանաւանդ որ այս անգամ ճշմարտութիւնը երեւան հանելը շատ դիւրին է՝ պաշտօնական վաւերագրերի հիման վրա։

Ալեքսանդրապոլի դաշնագրութեան համեմատ, որ կընքւել է դաշնակների եւ թուրքերի միջեւ, վերջիններիս յանձնւած էին ոչ միայն Ղարսի շրջանը եւ Սուրմալուի դաւառը, այլ եւ Նախիջեւանը։ Դրանից աւելի՛ն։ թրքական զօրքերը վերցրել էին Ալեքսանդրապոլ քաղաքը եւ նրա ամբողջ շըր-

զանը՝ երեւանի ուղղութեամբ, համարեա մինչեւ Անի կայտրանը. իսկ հիւսիսից համարեա մինչեւ Ղարաքիլիսա (Ամամլը կայարանը)։ Դաշնագրութեան հիման վրա դաշնակները թուրքերին պիտի յանձնեին բոլոր զենքերը եւ զինորական մթերքները, իրաւունք ունէին պահելու միայն 1,500 հոգուց բաղկացած միլիցիա, պիտի յանձնեին բոլոր երկարուդիները՝ բոլոր ուղղութիւններով եւ ենթարկեին Տաճկաստանի զինորական կօնտրօլին։ Մինչեւ այդ պահանջների իրականացումը թուրքերը իրաւունք ունէին ոչ միայն պահելու ամբողջ գրաւած շրջանը, այլ եւ գրաւման շրջանը ընդարձակելու, ինչ որ նրանք անում էին արդէն անընդհատ, չարժւելով մի կողմից դէպի Լոռի եւ միւս կողմից էլ դէպի Աղստաֆա կայարանը։ Պարզ խօսելով, Հայաստանի ամբողջ տերիտորիան կամ փաստօրէն եւ իրաւական կերպով թրքական զօրքերի ձեռքումն էր եւ կամ օր-աւուր սպասում էր այդ նակատագրին։

Հիմա՝ «Վիճելի» շրջանների մասին։

Դրանք են՝ Ղարաբաղը, Լոռին եւ Ախլքալաքը. Ղարաբաղը երբէ՛ք, նոյն իսկ մէկ հատիկ ժամով չէ պատկանած դաշնակների Հայաստանին։ Դաշնակները երբէ՛ք էլ չեն ձգտած Ղարաբաղն ունենալու. նրանք այդ պրետենզիային ոյժ են տալիս միայն նրա համար, որպէսզի յետագային կարողանային «փոխանակել» Հայկական Ղարաբաղը թաթարական Նախիջեւանի հետ։ Բանակցութիւնների ընթացքում այդ առաջարկը եղած է դաշնակների կողմից պաշտօնապէս։ Յամենայն դէպս, դաշնակների ժամանակ Ղարաբաղը Ադրբեյջանի մասն էր կազմում եւ գրաւած էր նրա զօրքերով։

Ճիշտ միեւնոյն վիճակի մէջ էր նաեւ Ախլքալաքը, որ դաշնակները «փոխանակեցին» Լոռու հետ եւ որտեղ իշխանութիւնն ու զօրքը ամբողջ ժամանակամիջոցում վրացական էին։

Միակ շրջանը, որ իրապէս վիճելի էր եւ որի համար առաջացել էր հայ-վրացական պատերազմը, Լոռին էր։ Բայց հենց այդ Լոռին էլ դաշնակները Վրաստանի հետ կնիքած պաշտօնական մի համաձայնագրով, Խորհրդային Իշխանութեան հաստատման նախօրեակին յանձնած էին Վրաստանին, գերադասելով այդ շրջանը բաժանել Հայաստանից, քան տալ Խորհրդային Հայ Կառավարութեան։ Իսկ փաստօրէն Լոռին ոչ միայն մինչեւ Սանահին այլ եւ մինչեւ Շահալի կամուրջը մշտապէս գրաւած է եղել վրացական զօրքերով։

Սրանք բոլորը յայտնի են ամենքին՝ պաշտօնական այնպիսի վաւերագրերի հիման վրա, որոնք ժամանակին հրա-

տարակւել եւ ստորագրւել են դաշնակների կողմից : Ինչի՞
համար է ուրեմն այդ անիմաստ գայրոյթը եւ մեծախօսու-
թիւնը :

Այսպէս . Դաշնակ կառավարութեան ձեռքում գտնւում
էին միայն՝ Երեւանը , գաւառի մէկ մասով , Նոր-Բայազէդը
եւ Դիլիջանը . առանձնակի մնում էր Երեւանի հետ որեւէ
կերպ չկապւած , Զանգեզուրը . այն էլ թրքական կօնտրօլի
տակ :

Ահա' եւ ամենը : Ահա' դաշնակների Հայաստանը : Ի-
րաւէ , այդ շատ քիչ նմանութիւն ունի Հայաստանի այն
պատկերին հետ , որ գծած է «Ասպարէզ»ի ջանասէր աշխա-
տակիցը : Բայց իրական , պատմական ճշմարտութիւնն էլ
ճիշդ այդչափ նմանութիւն ունի «Ասպարէզ»ի «ճշմարտու-
թեան» հետ :

Մենք դիտենք , որ «Ասպարէզ»ի յօդւածագիրը շատ «յան-
դուզն» մարդ է . բայց հազիւթէ նա էլ համարձակւի պնդե-
լու , որ փաստօրէն դաշնակ կառավարութիւնը աւելի հողա-
մասերի տէր էր , քան մենք ցոյց տւինք վերեւ , որովհետեւ
կրկնելով կեղծիքը , նա կզարնւէր նոյն դաշնակ կառավարու-
թեան պաշտօնական տեղեկութիւններին , որոնցով մեր ա-
սածներն են հաստատում միայն :

Այժմ տեսնենք թէ Հայ Բօլշեւիկները Հայաստանի օդ-
տին ի՞նչ փոփոխութիւններ են մտցրել սահմանների մէջ .
որով այնքան հետաքրքրւած է երեւում «Ասպարէզ»ի քաջ
յօդւածագիրը :

Ամենից առաջ Հայ Բօլշեւիկները ոչնչացրել են Ալեքսան-
դրապոլի ամօթալի դաշնագիրը եւ հայրենիքին վերադարձրել
Ալեքսանդրապոլը իր բոլոր գրաւած շրջանով : Յետո նրանք
պարպել են տւել նախիցեւանը թուրքերից եւ կազմել ինֆ-
նիավար Խորհրդային մի հանրապետութիւն՝ եղբայրաբար
կապւած Հայաստանի հետ : Ղարաբաղը նոյնական ինֆնիավար
Խորհրդային հանրապետութիւն է նանաչւել , ունենալով հայ-
կական կառավարութիւն : Ամբողջ վիճելի Լոռին , մինչեւ Սա-
տախլու կայարանը (եւ ոչ մինչեւ Սանահին , ինչպէս ստում
է «Ասպարէզ»ը առանց կարմրելու) , կցւել է Հայաստանին :
Դա նշանակում է , որ Հայաստանը իր ազգագրական սահ-
մաններում վերականգնւել է (Ղարսի եւ Սուրմալուի բացա-
ռութեամբ , որ դաշնակները իրենք միջազգային արժէք ներ-
կայացնող դաշնագրութեամբ յանձնած էին) : Հայաստանը
տերիտօրիալ կերպով երկու անգամից աւելի ընդլայնւել է :

Բացի դրանից , ոչնչացնելով թուրքերի հետ կնքւած
դաշնագրութիւնը , Բօլշեւիկները Հայաստանը ազատել են

թուրքերի կողմից յետագա դրաւումների վտանդից, զինւորական կօնտրօլից, զէնքերի, ուազմամթերքի յանձնումից, ինչպէս եւ սեփական բանակի ոչնչացումից:

Այսպէս են փաստերը: Եւ այդ փաստերը, ապացուցած վաւերագրերով, յայտնի են կովկասում ամենքին, ամենափոքրից մինչեւ ամենամեծը:

Թող այդ յօդւածների հեղինակները իրենք յիշեն այն օրերը, երբ Խորհրդային իշխանութեւնից փախուստի դիմելով «Հտապւում» էին արտասահման, եւ չէին կարողանում անցնել Աւեքսանդրապօլի միջով, որովհետեւ նա գրաւած էր թուրքերի կողմից. անձնուում էին վրացական պահակներին որպէս «պերի», Շահայի կամուրջի վրած որովհետեւ Լոնին գրաւած էր վոազիներից, ու փախչում էին Նախիջևանից դէպի Պարսկաստան, որովհետեւ ամբողջ Նախիջևանը եւ Զանգեռունի ճամբարն ընեւած էր թաթարներով:

Յիշողութիւնը շատ ետրանում է մարդկանց մօտ, երբ նրանք ապրում են ամերիկեան ապահովութեան մէջ: Կարծէր որ մի քիչ թարմացնէր այդ մարդկանց յիշողութիւնը: Տերիտօրիայից յետո՝ լեզուն:

Դրանք ազգային պետութեան գլխաւոր յատկանիշներն են:

Մենք ցոյց տւինք, որ «անկախ» դաշնակցական Հայաստանո չունիք սեփական պետական տերիտօրիա. ինչ որ կար, կամ վիճելի էր (նոյն իսկ դաշնակների խոստովանութեամբ) կամ թրքական իրական կօնտրօլի ու հովանաւորութեան տակ:

Ընկեր Ա. Մարտունին մատնանշելով դաշնակների արխիւր, ցոյց է տալիս, որ նրանց ժամանակ հանրապետութիւնը չի ունեցել նաեւ պետական ազգային լեզու:

Պէտք էր կարծել, որ այդ պնդումը պիտի հերքւէր փաստերով. բայց բարկածայթ մեր քննադատները բաւականանում են միայն կատաղելով եւ հայհոյանքներով: «Ա. Մարտունին ստախօս է». «Նա վաճառել է դաշնակների անարժէք պետական արխիւր, եւայլն, եւայլն»:

Ի դէպ. դաշնակներից բացի ոչ ոք մեղաւոր չէ այն բանում, որ նրանց պետական «ստեղծագործութիւնները», իրենց իսկ խօսքերը գործածելով, «հասարակ թըրթից» աւելի արժէք չեն ներկայացրել եւ պէտք են եկել միայն պարսկական խանութպաններին՝ ապրանք փաթաթելու համար: Այստեղ զայրանալու ոչինչ չկա. իսկ եթէ պէտք է զայրանալ, ապա... սեփական «մինիստրների» վրա:

Բայց ինչո՞ւմն է էական խնդիրը: Ռուսական լեզուն հայերէնի փոխարէն գործածւե՞լ է թէ չի գործածւել որպէս

պետական լեզու՝ դաշնակների օրով։ Ի՞նչ կպատասխանէք սրան «Ասպարէգ»ի եւ «Հայրենիք»ի քաջ «քննադատներ»։ Պէտք է պատասխանել ուղղակի, առանց պտոյտներ անելու եւ հայհոյելու։ Կարող է պատահել որ հայհոյելը ձեզ համար դարձել է հոգեկան մի պահանջ եւ սովորութիւն, բայց չնայած դրան, նա չի կարող ծառայել որպէս ապացոյց։

«Ինչպէս ամէնուն ալ յայտնի է», գրում է «Հայրենիք»ի յօդւածագիրը, «Հայերէն լեզուն հանրապետական հիմնարկութիւններու մէջ մտաւ աստիճանաբար, որովհետեւ բաւականաչափ հայերէն գիտցող պաշտօնեաներ դեռ չկային. հայցումը ուժդին թափով առաջ տարւեցաւ 1920 թ.»։

«Ասպարէգ»ի հեղինակը այդ խնդիրը լուսաբանում է դեռ աւելի որոշ կերպով։ Նրա ասելով՝ մի քանի հիմնարկութիւնների մէջ գործածւել է ոռուսական լեզուն, ինչպէս օրինակ՝ «ռազմական նախարարութեան, ֆինանսների նախարարութեան եւ փոստ-հեռագրական վարչութեան մէջ»։ «Պատճառը շատ պարզ է»։

Ուրեմն հայերէն լեզուն, նոյն իսկ մեր «քննադատների» վկայութեամբ չէ գործածւած մի շարք կարեւոր շրջաններում, իսկ միւս շրջաններում էլ սկսել է գործածել «աստիճանաբար», «1920 թ. յունւարի 1-էն»։

Եւ այս խոստովանութիւնից լետո զոյտ յօդւածագրերը համարձակութիւն են ունենում Մարտունու յայտարարութիւնը հայերէն լեզւի խնդրի վերաբարմամբ սուտ անւանելու, «ինչպէս կարող է ստել միայն հայ Բոլցեւիկը»։

Որ «Հայ Բոլցեւիկը» ճշմարտութիւնն է ասել, այդ ընդունել են իրենք եւս՝ յօդւածների հեղինակները. . . բայց ինչպէս որակել նրանց կրկնակի կեղծիքները, որոնց մէջ նրանք իսկ խոստովանում են. . . Այդ մենք թողնում ենք անելու հայնպիսի մարդկանց, որոնք աւելի մօտիկից ծանօթ են քրէական յանցանքները որակող դարձւածքների հետ։

Ամբողջական ճշմարտութեան համար պէտք է ասել, որ մէկը միւսին գերազանցող «հեղինակները» ջանում են գտնել եթէ ոչ բացատրութիւն, գէթ չքմեղանք այն հանդամանքի համար, որ «իրենց ժամանակ» հայերէն լեզուն ընդունւած չէ եղել պետական մաշտարով. «որովհետեւ բաւականաչափ հայերէն գիտցող պաշտօնեաներ դեռ չկային»։ Անշուշտ, յարգելի պատճառ է այս։ Բայց զարմանալի չէ, որ «Մօսկովյայի գործակալները» եւ «ոռուսական նւաճողները» . . . հայկական գործակալները, — կարողացել են գտնել անհրաժեշտ թրուվ պաշտօնեաներ, որոնք խօսում եւ հասկանում են հայերէն եւ դարձրել են ազգային լեզուն պետական ընդհանուր

գործածութեան լեզու, մինչդեռ «անկախ Հայաստանի» «աղ-գային» կառավարութիւնը չէր կարողացել անել այդ:

Պէտք է ենթադրել, որ եթէ դաշնակ կառավարութիւնը իրապէս կամեցած լինէր, կարող էր դտնել այդքան պաշտօնեաներ: Բայց նրանցից ո՞վ կարող էր մտածել, որ Ամերիկայի մէջ օրին մէկը պէտք է խմբագրի հայերէն մի թերթ եւ պաշտպանի անկախութիւնը եւ ինքնիշխանութիւնը հայերէն լեզւի, երբ ինքը «ոռուսական հողերի հաւաքողը», Ռուսական հակայեղափոխութեան պարագլուխը՝ Գեներալ Դենիկինը, դաշնակ Հայաստանի զօրքը ուրիշ կերպ չէր անւանում, քան իր «արեւելեան կօրպուսը», իսկ ոռուսականերին Աղրբէջանի զօրաբանակի մէջ արգիլում էր մասնակցել դաշնակների զինուրների հետ եղած կոիւներում:

Կարող է պատահել որ «Հայրենիք»ի եւ «Ասպարեզ»ի «սոցիալիստները» ցարական Ռուսաստանի վերականգնման հետ ունեցած իրենց բարեկամութիւնը եւս փորձեն եթէ ոչ արդարացնել, գէթ «բացատրել»: Բայց մեղ համար այդ «բարեկամութիւնը» ոռու ցարական աշխարհակալութեան ամենավատ ներկայացուցչի հետ շատ բան է բացատրում այն տեսակէտից, թէ ինչո՞ւ դաշնակների համար «անկարելի էր» դտնել «հայերէն լեզու գիտցող» պաշտօնեաներ:

Եւ վերջապէս ընկ: Մարտունու վերջին «կեղծիքը», որ չեն կարողացել տանել «Հայրենիք»ի եւ «Ասպարեզ»ի «ճշմարտասէր» աշխատակիցները, նրանումն է, որ Մարտունին պնդել է թէ դաշնակները Հայաստանը կործանել են նիւթապէս եւ կուլտուրապէս, իսկ Խորհրդային կառավարութիւնը վերականգնել է եւ աւելի ու աւելի վերականգնում է Հայաստանի տնտեսական հիմքերը ու կուլտուրական առաջադիմութիւնը:

Այստեղ «քննադատների» կատաղութիւնը հասնում է իր գաղաթնակէտին: Նրանք այնքան դուրս են դալիս իրենց հաւասարակշռութիւնից, որ բօլշեվիկների հանդէպ արած իրենց յարձակումների մէջ ցուցահանած համերաշխութիւնն անգամ կորցնում են:

Այսպէս՝ «Ասպարեզ»ի զւարթ հեղինակը չգտնելով ուրիշ բառեր Հայաստանի կուլտուրական եւ տնտեսական ծաղկման փաստը հերքելու համար, մոռանալով նոյն իսկ իր սիրած եղանակը՝ «ապացուցանել» եռանդուն կերպով «ո՛չ եւ ո՛չ» պոռակով, ազատութիւն է տալիս իր խաղասէր երեւակայութեան եւ «բնածին հումօրին»:

Նա ծածկելով մերկացրւած խարդախութիւնների հետեւանքով առաջացած անախորժ դիմաշարժերը, սկսում է «սրաբանութիւններ անել»: Ի՞նչ նշանակութիւն ունի, մը-

տածում եւ հարցնում է զւարթախօս յօդւածագիրը, երբ բոլշեւիկների ժամանակ դիւղացիները փորում են ջրանցքներ, որպէսզի իրենց դաշտերը ջրեն. չէ՞ որ նրանք ցարի ժամանակ է, «առու էին հանում»՝ իրենց «առտերո ջրելու համար»... — եւ այսպէս անւանւած «լաքէյական սրամտութեան» ճաշակ մերկացնող մեր զւարթաբանոր շարունակում է այդ ուղղութեամբ «սրախօսել»:

Ի հարկէ «գիտական քննադատի» հետ, որ շփոթում է դաշտեր ջրելու «առուները» ոռոգման ջրանցքային սիստէմի հետ, դժւար է վիճել: Այդպիսի դէպքում ուղղակի սկառակ է սպասել, մինչեւ որ անցնի «ուրախութեան տենդո» եւ խենթերի ամենամօտիկ շէնքը մարդուղարկել բժշկի հետեւից: Յուսանք, որ «Ասպարէզ»ի խմբագրութիւնը իր իսկ շահը նկատի առնելով, չի յապաղիլ անել այդ:

Դրա հակառակ՝ «Հայրենիք»ի աւելի «աստիճանական» հեղինակը չկարողանալով համաձայնել «Ասպարէզ»ի պաշտօնակցի հետ, փոխանակ ծաղրելու այդ բոլոր ջրանցքները, համայսարանները, ծխախոտի մշակութիւնը եւ այլն, լրջօրէն սկսում է ապացուցանել, որ դրանք բոլորը իսկի էլ ծիծաղելի չեն, այլ ընդհակառակը շատ կարեւոր են, բայց... այդ բոլորը ստեղծւած է դաշնակցութեան ձեռքով, որի անցնորհապարտ ժառանգորդներն են հանդիսանում հայ կօմունիստները:

Ակնյայտ է, որ «սրախօսութեան» ապացոյցները շատ էլ համոզիչ չեն եղած նոյն իսկ «Հայրենիք»ի համար: Այդպատճառով իսկ թողնենք «Ասպարէզ»ի հեռինակին «զւարթանայու» մինչեւ բժշկի հասնելը, եւ քայլենք պատւարժան «Հայրենիք»ի «շաւղով»:

Այդպէս ուրեմն, այդ թերթի յայտարարութեան համեմատ, ամեն բան որ ստեղծւել է Խորհրդային իշխանութեան օրով, արդէն ստեղծւած է եղել Դաշնակցութեան կողմից:

Մեասնիկեանը հպարտանում է ոռոգման հսկայական աշխատանքներով, բայց դրանց «ծրագիրները կազմւած էին եւ նախապատրաստութիւնները տեսնւած էին դարձեալ Դաշնակցութեան իշխանութեան ատեն»:

Ենթադրենք նոյն իսկ, որ այդ կեղծիքը ճշմարտութիւն է: Բայց չէ՞ որ տարբեր բան է՝ ծրագիրը թղթի վրա ունենալ. եւ տարբեր՝ զրանցքներ անցկացնելու եւ դրանց ամբողջական սիստէմի կառուցումը բնութեան մէջ:

Ասում են, որ գոյութիւն ունի ծրագրների մի շարք՝ Սահարայի անապատը ոռոգելու համար: Եթէ այդ գերմարդկային աշխատանքը կատարէր եւ այդ հսկա անապատը ամբողջովին ոռոգւէր, ո՞ր յիմարն է, որ պիտի պնդէր թէ

ոչ մի նոր բան չի կատարւել, որովհետեւ ինչ որ ժամանակում ինչ որ մարդկանց կողմից ծրագիրներ են կազմւած եղել։ Հենց խնդիրը նրանումն է, որ ծրագիրները իրականութեան ՎԵՐԱԾԻՒՆ։ Եւ այդ է, որ չկարողացան անել դաշնակները, որոնց ծրագիրները «իրեւ հասարակ թուղթ» գործածելով «պարսիկ խանութանները ապրանքներ կիաթթէին»։ Իսկ Խորհրդային Խշանութիւնը իրականացրաւ այդ։

Ծխախոտի եւ բամբակի մշակոյթը եւս դաշնակների ձեռքի գործ է, — հրճում է «Հայրենիք»ը։

Բայց ահա թէ ինչ են ասում անկիրք եւ խաղաղ թւերը։ 1921 թւին Հայաստանում մէկ հատիկ արշին հող չի եղել ծխախոտի եւ բամբակի մշակոյթի տակ։ արդէն 22-23 թւին, Խորհրդային Խշանութեան հերոսական ճիգերի հետեւանքով ծխախոտի արտադրութիւնը հասնում է տասնեակ հազարաւոր փութերի, եւ Երեւանը ունենում է իր սեփական ծխախոտի եւ ծխագլանիկի գործարանը։ Իսկ բամբակի արտադրութիւնը 23 թւին հասած էր 220,000 փութի, եւ այս տարւան համար սպասում է 800,000 փութ։

«Արարատ» գործարանը մեր ժամանակ էլ գործելիս է եղել, — հպարտանում է «Հայրենիք»ը։ Ի հարկէ, երբ մի գործարան հաստատւած է լինում 25 տարի սրանից առաջ, նա յանկարծակի չի չքանում, չնայած դաշնակների «տնտեսութեան»։ բայց գործարանային շենքը տակաւին գործարան չի նշանակում։ պէտք է տեսնել թէ նա ի՞նչ է արտադրում։ Իսկ թւերը ասում են, որ դաշնակների օրով գործարանը չի արտադրել նոյն իսկ 10 տոկոսը նախապատերագմական արտադրութեան։ Իսկ այսօր միեւնոյն գործարանը արտադրում է համարեա թէ 100 տոկոս։

Կօօպերատիւների Միութիւնը եղած է մեր ժամանակ, — տրտնջում է «Հայրենիք»ը։

Մենք կասենք աւելին։ նա եղել է դաշնակներից էլ առաջ։ Բայց ի՞նչ էր ներկայացնում նա իրենից։ մի փոքրիկ, սպառողական ընկերութիւն, հարիւրաւոր անդամներով եւ հաղիւ 10,000 բուրլու հասնող շրջանառութեամբ։ Իսկ այսօր նա միացնում է տասնեակ հազարաւոր սպառողների, կապում է քաղաքը գիւղի հետ, կազմակերպում է գիւղատնտեսական եւ վարկային համագործակցութիւն եւ ունի 4-5 միլիոնի չափ ոսկի բուրլու շրջանառութիւն։

Վերջապէս մենք համալսարան ենք բացել, — պատրաստ է լալու «Հայրենիք»ը։

Եթէ «համալսարան» ասելով հասկացւում է Ալեքսանդրապոլի առեւտրական գպրոցի դահլիճը, ուր 20 թւին «հա-

մալսարանի բացման» առիթով, դաշնակ կառավարութեան գլուխ Ա. Խատիսեանը խոստանում էր այդտեղ ժողովւած կուսակցական անդամներին (որոնք, ըստ երեւոյթին ուսանողներն էին ներկայացնում!) երկու ամսից յետո «փոխադրւել էրզրում», ապա այդ «համալսարան»ի մասին երեք անդամ իրաւացի է «Հայրենիք»ը:

Բայց միայն . . . այդ «համալսարանում» չկային ուսանողներ, պրօֆեսորներ եւ համալսարանական պատկանելիութիւններ, չխօսելով տակաւին անհրաժեշտ կրթական հաստատութիւնների մասին, ինչպէս՝ կլինիկա, աշխատանոցներ, եւայլն: Գրադարանն անդամ շոայլութիւն էր այդ «համալսարանում»: Համալսարան բառի այդքան «ընդարձակ հասկացողութեամբ» կարելի է որեւէ գիւղական դպրոց նոյն իսկ համալսարան անւանել: Ամեն խոշոր շէնք (օրինակ՝ առեւտրական դպրոցի շէնքը Ալեքսանդրապոլում) տակաւին բարձրագոյն կրթական հաստատութիւն չէ, որպէսզի կառավարութիւնը վերցնի եւ կոչի «ահա՛ համալսարանը»:

Ներկայիս Երեւանի (ո'չ Ալեքսանդրապոլի!) համալսարանը գիտականօրէն պիտոյքաւորւած է. ունի փառաւոր դրադարան, օժանդակ գիտական հաստատութիւններ եւ ինստիտուտներ, չորս ֆակուլտետներ, հազարից աւելի ուսանողներ եւ մի քանի տասնեակ ուսուցչապետներ ու դասատուներ. հասկանալի է, որ այդ համալսարանը իր նախորդների շարքում չի հաշւում առեւտրական դպրոցի շէնքը, որը անշուշտ, Խատիսօվեան մողական մի շարժման հետեւանքով չէր կարող փոխւել բարձրագոյն կրթական հաստատութեան եւ մինչեւ այսօր էլ մնում է որպէս մի համեստ, միջնակարգ առեւտրական դպրոց, ինչպէս որ եղել է միշտ:

Կարելի է դեռ շատ առաջ գնալ այդ «զուգահեռականներով»: Բայց մենք ծանրանում ենք միայն այն «օրինակների» վրա, որ բերւած են, «Հայրենիք»ի կողմից: Դրանք միանգամայն բաւական են, փաստերով զօրացնելու համար ընկեր Մարտունու հիմնական միտքը, թէ՝ Հայատանի կուլտուրական եւ տնտեսական առաջադիմութիւնը սկսեց Խորհրդային իշխանութեան հաստատման օրից, որ եկաւ ճերբազանելու աշխատաւոր ժողովրդի բոլոր ստեղծագործական կարողութիւնները:

Մենք այսպիսով ճշտեցինք թէ որքան ճշմարտութիւն կադաշնակցական «ճշմարտութեան» մէջ: Ճիշտ այնչափ, որչափ ազնւութիւն կա «Ապարէզ»ի եւ «Հայրենիք»ի աշխատակիցների մօտ:

«Սուտի ոտքերը կարճ են», — վկայութեան է կոչում «Ապարէզ»ը ժողովրդական առածը:

Բայց չպիտի մոռանալ, որ դրա հակառակ «Կեղծիքի լեզուն շատ երկար է»:

Այդ ապացուցել են զայրացած «Քննադատները» իրենց յօդւածներով, որոնց մէջ, ամենալաւ բաղձանքն ունենալով հանդերձ անկարելի է գտնել ճշմարտութեան թէկուզ մէկ հատիկ խօսք, եւ կամ մի բան, որ նման լինէր ճշմարտութեան:

Դ

ԶԱՅՐԱՑԱԾ ԱՍՊԵՏԸ ԵՒ ԻՐ ԿԵՂԾԱԽՈՐ ՀՐԱՑԱՆԱԿԻՐԸ

Մինչեւ այստեղ մենք քայլ առ քայլ հետեւեցինք մեր «Քննադատներին», որովհետեւ դա միակ միջոցն էր՝ նրանց «մեթօդները» ամբողջութեամբ մերկացնելու, ինչպէս եւ ցուցահաննելու համար այն խղճուկ միտքը, որ տարածւած է երկու թերթերի՝ համարեա մի դիւժին էջերի վրա:

Սակայն մեր կողմից բաւականաչափ քաղաքավար չէր լինիլ, եթէ մենք բաժանւելով մեր պատւարժան «Քննադատներից» չյանձնարարէինք թէ՛ նրանց անձերը եւ թէ՛ նրանց մի շարք «ինքնատիպ» մտքերը մեր ընթերցողներին. աւելի եւս, որ «Ասպարէզ»ի յօդւածագիրը այնքա՞ն «սիրալիր» կերպով յանձնարարում է ընկ. Մարտունուն, մինչդեռ մենք մինչեւ այժմ զլացել ենք նոյն իսկ մեր զայրացած «Քննադատների» անունները տալու:

Ճիշտ է, «Հայրենիք»ի «Հրապարակագիրը» շատ զգուշաբար թագնւել է Ռ. Դ. Նախագրերի տակ, հաւանօրէն համեստութիւնից, — չուզելով իր «փառապանծ» անունը յաջորդներին թողնել: Յամենայն դէպս, նա, ով թագնւել է Ռ. Դ. «զաղտագրերի» հետեւը, ազատել է իրեն անհրաժեշտութիւնից՝ իր ճակտի վրա ամբողջ կեանքի տեւողութեամբ «ստախօս» տիտղոսը կրելու: Այս «մեթօդ»ը, որ հազիւ թէ բաւականաչափ պարկեշտ է, զուրկ չէ ճարպկութիւնից եւ միանգամայն «պատիւ» է բերում նրա հնարողին:

Բայց միեւնոյն չէ^o, թէ ով է թագնւած այդ տառերի տակ, — Դարբինեանը, Ահարոնեանը, Նաւասարդեանը թէ ուրիշ մի արարած. դաշնակցական «Հրապարակախօսները» եւ նրանց «գրւածքները» բոլորն էլ միեւնոյն նմոյշի համեմատ են կերտւած, ունին իրենց կուսակցական «Տրէյդ Մարկը», — «made in Dashnakzutiun». եւ այդ ապրանքները հանրածանօթ իրենց ցածր որակով, մշտապէս փոռումի միեւնոյն հոտովը զանազանւում են ուրիշներից:

«Հայրենիք»ի հակառակ, «Ասպարէզ»ի քաջ հեղինակը յարմար է տեսել իր անունը ամբողջութեամբ ստորագրելու՝ վարդպէս Ահարոնեան, որ անշուշտ, աւելի է համապատասխանում իր «Պիրքին» եւ «աստիճանին» (այդ մասին քիչ յետո :)

Ո՞վ է Պրն. Վարդպէս Ահարոնեանը :

Դա՝ Աւետիս Ահարոնեանի որդին է : Այս վերջինին յանձնարարելու պէտք չկա, որոհետեւ նա ինքն իրեն նոյն իսկ պէտքից աւելի յանձնարարած է մինչեւ հիմա :

Դժբախտաբար «Ասպարէզ»ի յօդւածագրի մասին աւելի բան չէ յայտնի, քան միայն այն, որ նա իր հօր որդին է :

Իրաւ է, դա քիչ է յանձնարարութեան համար : Բայց դա միանգամայն բաւարար է գտնելու համար այն «վերամբարձ ոճի» բանալին, որ յատկանշում է «բարձր դասի» «Հեղինակների» գրութիւնները :

Սակայն, ի՞նչն է, որ երիտասարդ «ասպետին» այնքան բարկացրել է, որ նոյն իսկ պէտք է եղել «Ասպարէզ»ի վեց համարները լցնելու բարկացած մտքերի շարայարութիւններով, լրագրական նիւթերը զոհելով :

Բանից դուրս է գալիս, որ մեր «ասպետը» ենթադրում է թէ ամերիկահայ գաղութին դիմում անելը «ժառանգութիւնից» մնացած իր միակ իրաւունքն է, եւ ով «ապօրինի» կերպով անում է այդ, ապա այդպիսի մի դիմումի հետեւում չեն կարող թագնւած չլինել ինչ որ «նենգամիտ». ձըգտումներ, — մանաւանդ նրա նախաիրաւունքի դէմ ոտնձըգութիւններ :

«Ո՞վ է Ալ. Մարտունին» . «այդ ո՞ր ժամանակից ի վեր Խորհրդային Հայաստանի վարիչները սկսել են իրենց «աչքերը յառել» դէպի արտասահմանեան եւ մասնաւորապէս Ամերիկայի հայութիւնը» . անծածկելի զայրոյթով բացականչում է «Հեղինակը» :

Հայ գաղութներին դիմելու իրաւունքը, ըստ երեւոյթին, Պրն. Ահարոնեանը համարում է իր «սեփական ժառանգական նախաիրաւունքը» եւ չափից աւելի բարկանում է, երբ ինչ որ «պարվենիւ», Հայ Հանրապետութեան Խորհրդային կառավարութեան նախկին նախագահը եւ ներկայիս Անդրկովկասեան Խորհրդային ֆեղերացիայի նախագահի պաշտօնակիցը համարձակւում է նրա այդ «անկապտելի իրաւունքի» դէմ ոտնձգել : Հաւանօրէն ընկեր Մարտունին նախ իրաւունք պիտի խնդրէր բարկացկոտ «ասպետից», որպէսզի կարողանար խօսել Ամերիկայի աշխատաւոր հայ գաղութին հետ !

Իր «շատ հասկանալի» զայրոյթի մէջ բարի «ասպետը» չի

կարողանում նկատել, — եւ կամ նկատում է ու չի ուզում մատնել որ նկատում է, — թէ ինչ «տարօրինակ» միջոցների է դիմում իր շատ գովելի բաղձանքի մէջ՝ յետ մղելու համար Մարտունու «յարձակումը»՝ «նորին բարձրութեան» պատկանող ամերիկահայ դադութիւնը:

Այսպէս, նա կառչելով տպագրական մի վրիպակի, որի հետեւանքով Երեւանի համալսարանի ուսանողների թիւը 1000-ի փոխարէն 100 է դարձել, ուրախանում եւ ոստոստում է որպէսմի փոքրիկ վայրենի, որին գրամօֆօնն են ցոյց տալիս եւ «Ասպարէզ»ի երկու համարների ընդարձակութեամբ, տպագրական անզգուշութեան պատճառով դուրս մնացած ԶԵՐՕՅԻ շուրջը իդիօտին յատուկ պարն է սկսում՝ ոտները գետին զարնելով շարունակաբար:

Ի դէպ. ի՞նչ համալսարանում է սովորել գերամեծար «Հեղինակը», եթէ երբէք որեւէ տեղ սովորել է: Նրա զարմանալի գիւտը թէ՝ մինչեւ անգամ Մօսկովյայի համալսարանում չի եղած 80 պրօֆեսոր, ենթադրել է տալիս, որ «վերամբարձ ոճով» «բարձր դասի» մեր պարոնը աւելի շատ համալսարանի բակում արեւածաղկի հատիկներ է «չըթել», քան ներս մտել լսարանները: Որպէսզի ապագային այդօրինակ «յայտնագործութիւններ» տեղի չունենան, մենք խորհուրդ ենք տալիս թերթատելու Մօսկովյայի Համալսարանի համապատասխան հրատարակութիւնները, որոնց մէջ կարելի պիտի լինէր զտնել ոչ միայն անունները եւ ազգանունները մի քանի հարիւր պրօֆեսորների ու պրիվատ դօցենտների, այլ եւ նրանց հասցէնները. եւ այդ՝ նոյն իսկ այն տարիներում, երբ մեր խանդավառուած «Հեղինակը» թափառում էր ոռուական այս կամ այն համալսարանի պատերի շուրջ:

Նայե՛նք մի ուրիշ «փոքրիկ» խարդախութեան. ընկ. Մարտունին գրում է. «Դաշնակցութիւնը Հայաստանում թոյլ է». բայց մեր անխոնջ ասպետը այդ առիթով մի քիչ զաւզակելուց յետո գրում է, որ Մարտունու յայտարարութիւնը կարելի է կարդալ՝ «Դաշնակցութիւնը Հայաստանում ուժեղ է»:

Ենթադրում ենք, որ ընկ. Մարտունու խօսքերը պիտի կարդացէին այնպէս, ինչպէս գրւել են նրա կողմից, նոյն իսկ եթէ դրանք շատ անհաճելի լինէին նրա համար, ով «ըստիպւած» է կարդալու դրանք. բայց այդպէս չէ անում յայտնի «մեթօդի» սիրահար «գրչի» մեր ասպետը. նա իր ցանկութեան համեմատ կուահումներ է անում եւ ուրիշի բերնի մէջ է դնում այնպիսի խօսքեր, որոնք տրամադօրէն հակառակ են նրա մտքերին:

Ինչ կուզէք ասացէք, այս եղանակը շատ էլ ասպետական է, թէեւ «ասպետի» կողմից գործադրուած:

Քննադատութեան այսպիսի եղանակներով անկարելի է շատ հեռուն հասնիլ. շատ-շատ դրանցով կարելի է մօտենալ միայն . . . քրէական յանցագործների բանտին:

Արժանավայե՞լ է այդ «բարձր դիրքին» եւ «աստիճանին»:

Մէկ կէտում մենք միանգամայն համաձայն ենք «առածների եւ վկայութիւնների» հեղինակի հետ. այն է՝ «մարդը կարող է փոխել իր շապիկը, բայց չի կարող փոփոխութեան ենթարկել առաքինութիւնների եւ պակասութիւնների այն դումարը, որ կոչում է մարդկային հոգի: Ուր կուզես գնա, քանի՛ շապիկ կուզես փոխիր, հոգւոյցդ չես ազատւի»:

Դա շատ ճիշտ է: Եւ այդ «զարմանալի» ասացւածքի ամենալաւ ապացոյցն ինքը Ահարոնեանն է. մինչեւ անդամ Ամերիկան եւ «ասպետի» «ոսկէ շապիկը» չի կարողացել փոխել գիւղական պրօպականդիստի դաշնակցական «հոգին», որ իր ամբողջ գիտական իմաստութիւնները քաղում է հինգկօպէկնոց բրօշիւրներից, իսկ պրօպականդայի մեթօդները՝ կեղծիքից, խարդախութիւնից, աղաւաղումներից եւ նման քրէական «առաքինութիւններից»:

Ճշմարտութեան սիրոյն պէտք է նկատել, որ ընդհանրապէս Պրն. Ահարոնեանին շատ աւելի յաջողւում են վերեւնշւածի պէս «բարոյախօսական ասացւածքները», քան իրողութիւնների ճշգրիտ նկարագրութիւնները: Իրապէս ինչո՞ւ չերթալ եւ չզբաղւել ժողովրդական ասացւածքների հաւաքումով. տեսէ՞ք, գահընկէց եղած տաճկական Սուլթանիալիֆայի որդին սկսել է փոստային դրօշմների ժողովածուներ հաւաքելով զբաղւել. ինչո՞ւ մեր առակաբանը եւս չզբաղւի այդպիսի մի գործով . . . Յամենայն դէպս դա շատ աւելի լաւ զբաղմունք կլինէր, քան խարդախելը, աղճատելը եւ անճարակութիւնից տպագրական վրիպակների չարաշահումը:

Իր յօդւածի վերջում Պրն. Ահարոնեանը մի շատ արժէքաւոր խորհուրդ է տալիս. «ինչպէ՞ս սպաննել Դաշնակցութիւնը», հարցնում է նա: Դրա համար շատ բան պէտք չէ: «Պարզ միջոցը, որով Բօլշեվիկները կարող են սպաննել Հ. Յ. Դաշնակցութիւնը» այն է, որ «հայ Բօլշեվիկները հրապարակ բերեն եթէ ոչ աւելի, գէթ նոյնչափ շիտակութիւն ու ազնւութիւն, որչափ Դաշնակցութիւնը. նոյնչափ հայրենասիրութիւն, որչափ Դաշնակցութիւնը, եւ նոյնչափ ինքնազնութիւն, որչափ Դաշնակցութիւնը: Այնօրը, որ օրը հայ Բօլշեվիկները կցուցադրեն այս յատկութիւնները, այդ օրը կմեռնի եւ Հ. Յ. Դաշնակցութիւնը»:

Եթէ իրապէս սա «մահանալու միակ պայմանն» է, ապա

մենք կարող ենք ուրախացնել մեր ասպետին յայտնելով, որ Դաշնակցութիւնը յաւիտենապէս պիտի ապրի: Որովհետեւ վերոյիշեալ առաջինութիւնների մէջ Դաշնակցութեան մակարդակին հասնելը այնքան էլ հեշտ բան չէ: Խարել սեփական ժողովուրդին ամբողջ երեսուն տարի, («Հիտակութիւն»!), փախչել նրանից, երբ նա ի՞ր իսկ վարած քաղաքականութեան հետեւանքով անտանելի վիճակի մէջ է գտնըւում («ազնւութիւն»!), յետո նստելով հեռաւոր, ապահով անկիւններում, ամեն կերպ խանգարել ժողովրդի մնացորդների պահպանման եւ վերականգնման գործը, կապալով յանձնել նրան Անտանտի գաղութային գիշատիչներին, տաճկական փաշաների ու վրացական աղղայնականների միջեւ կուախնձոր դարձնել նրան («Հայրենասիրութիւն»!), եւ վերջապէս սեփական կաշին փրկելով («ինքնազոհութիւն»!) կընքել Ալեքսանդրապոլի գաշնազըրութիւնը, որը զինաթափութիւնից եւ դաշնակ ղեկավարների փախուստից յետո՝ դէպի անվտանգ վայրեր, պիտի պսակւէր հայ ժողովրդի կատարեալ ոչնչացումով, — չէ, մինչեւ այդ մակարդակը չեն կարող ցածանալ Հայ Բօլեւիկները. հազա՞ր անգամ իրաւացի է Պըն. Ահարոննեանը:

Բայց թող նա հանգիստ լինի. նրա «գիտական» խորհուրդները ոչ ոքին պէտք չեն: Դաշնակցութիւնը առանց այդ էլ քայլայւում է. դրա ցցուն ախտանիշներից մէկն է այն գարշահոտութիւնը, որ բուրում է «Ասպարէզ»ի անձրկած ասպետի բարկաճայթ յօդւածից:

Բաժանւելով «վայելուչ դասի եւ ոճի» մեր զւարթաբան «քննադատից», մենք մեր կողմից պարտականութիւն ենք զգում նրան մի քանի խորհուրդներ տալու, եթէ նա այսուհետեւ էլ դեռ պիտի շարունակի հրապարակախօսութեամբ զբաղւել.

1.- Երբէք խարդախութեամբ չղբաղւել, որովհետեւ վաղ կամ ուշ կրացւի նա:

2.- Երբէք չստել, որովհետեւ միեւնոյն է, կմերկանանա:

3.- Բարեմիտ ամերիկահայերին չվախցնել Զեկայով, որովհետեւ նրանք կարող են համեմատութիւն անել «Զեկայի զոհեր», լաւ կերած-կերակրւած Ահարոննեանների, Դարբիննեանների եւ ուրիշների ու Տաթեւի ժայռերի ստորոտներում անշնչացած հարիւրաւոր դիակների միջեւ. եւ այդ համեմատութիւնը հազիւ թէ զայրացած ասպետի եւ նրան հետեւող պահակների օդտին լինի:

Եթէ զայրացած ասպետը մոռացութեան տալով ամեն տրամաբանութիւն, որ առողջ բանականութեան եւ տարրա-

կան բարոյականութեան հիմքն է, իր «դրութիւնները» շարայարում է միանգամայն «բարի ասպետի» պէս բարձրաթոփ մի ոճով», ապա «Հայրենիք»ի նրա երեսպաշտ զինակիրը թագնւելով Ռ. Դ. ծածկագրերի տակ, դիմում է ուրիշ տեսակի մի ոճի:

Ասացւածքները, որպէս քննադատութեան «մեթօդներ» նա չի գործածում (այդչափն էլ արդէն մեծ բան է!), եւ չը նայած որ գրաւոր խարդախութիւններ ու աղճատումներ անում է (ըստ երեւոյթին այդ բոյնի մէջ ա'յդ սովորութիւնն է ընդունւած), սակայն ջանում է, ինչ էլ որ չինի, իր «դիտողութիւնները» «հիմնաւորել»:

Հստ երեւոյթին ոճի եւ «ճաշակի» այս տարբերութիւնը պէտք է բացատրել «սօցիալական» վիճակի տարբերութեամբ. չէ՞ որ մեր խեղճ ասպետը այնքա՞ն շատ բան է կորցրել. ի՞նչպէս նա խորամանկութեան դիմի եւ կեղծաւորութիւն անի, — նա այնքա՞ն ջարդւած եւ վիրաւորւած է...

Միանգամայն տարբեր է հրացանակիրը. նա զգուշաբար իր չորս կողմն է նայում եւ վախենալով թէ իր տէրը կտեսնի իրեն, իր վրա է առնում «դեմօկրատական» բանկոնը, ուսերին է ձգում «սօցիալիստական» վերարկուն, կանգնում է արժանավայել հագուստի եւ կեցւածքի մէջ եւ սկսում ճարտասանել. — ինդրե՞մ, բօլցեւիկները «ալուրժուական իմփերիալիստներուն ոտները կլիզեն», «անոնք հայ ժողովուրդին» գլուխ են կանգնել «բացառապէս ոռւսական սւիններու եւ ոստիկանութեան» օգնութեամբ, ժողովրդի շահերը թողնելով «անոնք կմտածեն միայն սեփական կուսակցութեան» շահերի մասին:

Եւ այս բոլորից յետո ի՞նչպէս կարող է անանուն «հեղինակի» «սօցիալիստական խիղճը եւ դեմօկրատական հոգին» լոել ու չբռնկւել:

«Ոտներու լիզման» ինդիրը, դաշնակ «հրապարակախօսը», նոյն իսկ եթէ նա անանուն է, լաւ կանի որ երբէք չյիշատակի. որովհետեւ, ինչպէս ասում են, Լոյդ Ջորջի, Կլեմանսօի, Պուանկարէի եւ աշխարհի ուրիշ զօրաւորների ու նոյն իսկ շատ անզօրների դարշապարների վրա կոշտեր են առաջացել՝ Ահարոնեանների, Դարբինեանների, Խատիսօվների եւ դաշնակ մնացած «դիաւանագէտների» ու «պետական ժարդկանց» կոշտ լեզուներից:

Երբ 21 թւի Փետրվարին, դաշնակները թեւաւորւած՝ վրացի ազգայնականների «յաջողութիւններով» եւ խարւած՝ տաճկական երկրորդական դործակալներից, Խորհրդային Հայ հշիանութեան դէմ արկածախնդրային ապստամբու-

թիւնը սարքեցին, հայ գիւղացիութիւնը համարեա առանց զէնքի, միայն դազանակներով եւ գերանդիներով քշեց նրանց ... մինչեւ Երասխը՝ պարսկական խաների մօտ: Փորձը փառաւորապէս ցոյց տւաւ, որ Բօլշեւիկները կարող են «եօլա գնալ» նաեւ առանց «ոռուսական սւինների»: Յայտնի եղաւ, որ Բանւորա-Գիւղացիական Հայաստանի թշնամիների հաշիւները մաքրելու համար միանդամայն բաւական են նաև հայ գիւղացիների կոշտացած բռունցքները, որոնց վրա եղած կոշտերը, յամենայն դէպս լիզելուց չէին առաջացել, այլ աշխատանքից:

Այդպէս պատահեց, որովհետեւ Բօլշեւիկները «բախտ» չէին ունեցել «անկախութիւն» ստանալու տաճիկ սուլթանների ձեռքբերից եւ Երկիրը «կառավարելու» ֆրանս-անդլիական զօրքերի եւ ամերիկեան նպաստատոյցների միջոցով:

Թէ դաշնակների մօտ «ինքնազոհութիւն» բառը ինչ իմաստ ունի, եւ թէ նրանք ինչպէս են «տրտմում» ժողովրդի դժբախտութիւնը տեսնելով, դա կարելի է որոշապէս նկատել այն իրողութիւնից, որ նրանք փախչելով Պարսկաստան, իրենց հետ վերցրին Հայ Հանրապետութեան պատկանող ամբողջ դրամը եւ արժեքները, դրանք դարձրին սեփական կուսակցութեան եկամուտ եւ հանգիստ խղճով սկսեցին այդ դրամներով հրատարակել կուսակցական թերթեր. եւ այդ մի այնպիսի ժամանակ, երբ նրանց կողմից կողոպտած հայ ժողովուրդը նրանց կողմից քայլայւած Երկրի մէջ ոչի՞նչ չունէր իր ֆիզիքական գոյութիւնը պահելու համար հաց գընելու:

Դաշնակները չէին, այլ Մօսկուայի «տիրան-բօլշեւիկները», որ հայ ժողովրդին տւին Երկու միլիոնի չափ ոսկի ըռւբլի, հարիւր հազարաւոր փութեր հաց, տեխնիկական եւ վերաշինական նիւթեր ու գործիքներ, եւայլն, եւայլն:

Ինչքա՞ն նման են այս բոլորը այն բանին, թէ՝ դաշնակները գիշեր-ցերեկ մտածել են միայն «ժողովրդի» մասին, իսկ բօլշեւիկները «սեփական կուսակցութեան»:

Բօլշեւիկները առհասարակ սոսկալի մարդիկ են: «Հայրենիք»ի անանունը դեռ չդիտէ այն բոլոր սոսկումները, որ տեղի են ունենում նրանց ձեռքով. թէ չէ նա կընդարձակէր տակաւին «բօլշեւիկեան մեղքերի» ցուցակը եւ դրա համեմատ էլ իր տրտունջները ու յուզումը կզօրացնէր:

Բայց ահա դաշնակ մի ուրիշ «գրող», Նաւասարդեանը՝ կայիրէից (ի հարկէ ոչ Հայաստանից!), չափազանց բարկացած այն հանգամանքից, որ հանգուցեալ դաշնակ կառավարութեան նախկին նախագահ Քաջազնունին բացասում է սօվետա-տաճկական դաշնագրութեան գոյութիւնը, որը, իբր

թէ Հայաստանի դէմ է ուղղւած, կարեւոր յայտնագործութիւն է անում հայ ժողովրդի առջեւ, բօլշեւիկեան այդ նոր «մեղքը» հրապարակելով։

Քաջազնունին, դաշնակ կառավարութեան գլուխը, յայտարարում է թէ մանրամասն հետազոտութիւնից յետո համոզւել է, որ այդպիսի դաշնագրութիւն եւ դաշնակցութիւն երբէք չի եղել եւ որ այդ ամբողջ պատմութիւնը «դաշնակցական առաւապել է» արտասահմանեան գործածութեան համար։

«Ինչպէս չի եղել», զայրանում է Նաւասարդեանը եւ բերում «անհերքելի ապացոյցներ». Երբ նա եւ նրա ընկերները կարլ կառւտսկու մօտ են եղել թիֆլիսում, ուր այսպիսի մի դաշնագրութեան գոյութեան հնարաւորութեան մասին կասկածներ են յայտնւել, կարլ կառւտսկին «իր կնոջ հետ միասին» զարմացած պատասխանել է թէ ի՞նչպէս կարելի է կասկածել քանի որ իրենց աչքի առջեւ Տրապիզոնում ուստական նաւից ազատ եւ բաց կերպով թրքական զօրքերի համար ուղմամթերք է հանւել։

Ահա՛, ուրեմն այսպէս. մի անգամ որ կառւտսկու կինը «ինքը տեսել է», այդ Քաջազնունին ինչպիսի՝ ապուշ է, որ չի հաւատում թէ այդ ուղմամթերքը Հայաստանի դէմ գործածելու համար է եղած! . . .

Այսպէս են դաշնակները «պատմութիւն» գրում. եւ երբ այդպէս անելուց յետո գտնում է մի Մարտունի, որ որոշու տեղին կերպով յայտարարում է թէ Դաշնակցութիւնը մարմնացումն է տիմարութեան, յիմարութեան եւ կեղծիքի, այն ժամանակ շատ վիրաւորւած են զգում նրանք։ Եթէ պէտք կա վիրաւորւելու եւ բարկանալու, ապա պարոնայք Նաւասարդնեաններին պիտի ուղղւին դրանք, քանի որ նրանց տիմարութիւնները եւ կեղծիքներն են, որ անվանակելի են դարձնում այդպիսի համեմատութիւններ, եւ ո՛չ թէ Մարտունուն, որ առարկայական կերպով նկարագրում է իրողութիւնները։

Բայց այս ակամա շեղումից յետո վերադառնանք կրկին մեր տրտնջացող «սօցիալիստին»։

Նրա դառնութիւնը տիրան-բօլշեւիկների դէմ դեռ աւելի է աճում, երբ նա մտաբերում է ցարիզմի օրերը, իր կուսակցութեան «հերոսական, յեղափոխական գործունէութեան» օրերը, երբ («հազարաւոր դաշնակցականներով լեցուցեր էին բանտերն ու աքսորավայրեր»). եւ այսօր նա ոգեւորւած «փառաւոր անցեալով», սպառնում է Խորհրդային Իշխանութեան՝ Դաշնակցութեան «յեղափոխական կայծերով», որոնք պիտի դան թնդացնելու «վառողով լեցուն ամբարները» եւ

ցոյց տալու թէ՝ «որպիսի հսկա ատելութիւն մը ամբարւածէ» «մեր ժողովրդի հոգիին մէջ»:

Ոռու ցարին տւած՝ իր ամենախոնարհ զեկուցման մէջ, նրա կովկասեան տեղապահը՝ Գրաֆ Վորօնցօվ-Դաշկովը միշտ դաշնակցական հերոսական «յեղափոխական գործունէութեան» օրերին դրում էր թէ՝ 1905-6 թւի յեղափոխական պոռքկումներից յետո Դաշնակցութիւն հայ կուսակցութիւնը ցարական ոստիկանութեան հսկա օգնութիւն է ցոյց տվել՝ բնակչութիւնը հանդարտեցնելու գործում։ Իսկ ցարական ոստիկանութիւնը, ինչպէս յայտնի է, «հանդարտեցրել» է բնակչութիւնը պատժական վաշտերի միջոցով, հրացանազարկութեամբ, աքսորավայրերով, տաժանակիր աշխատանքներով, բանտերով եւ Սիրիրայով։

Այդ խնդրում, պաշտօնական եւ բօլշեւիկեան լինելուց շատ հեռու աղքիւրների համեմատ, — աղքիւրներ, որոնք չեին կարող բարենպաստ լինել յեղափոխականների հանդէպ, — մենք իմանում ենք, որ Դաշնակցութիւնը ոչ աւելի է եղել, ոչ էլ պակաս, քան ցարական ոստիկանութեան դաշնակից։ Ուրեմն էլ ի՞նչ թագնւած «յեղափոխական կայծերի» մասին է, որ խօսում է անանունը։

Դրանք ամենաշատը ոստիկանական այն լուսիկներն են, որոնք ամենալաւ պարագայում կարող էին պէտքական լինել լուսաւորելու համար քրէական յանցապարտութեան բանտի այն խուցը, որտեղ, կեղծ վկայութեան համար երբ եւ իցէ պիտի նստեցնեն այնպիսի ազնիւ ամերիկացիների, ինչպիսին է Ռ. Դ. տառերի տակ թագնւած պարոնը։

Ե

ԶԱՅՐԱՑԱԾ ԱՍՊԵՏԸ ԵՒ ԻՐ ԿԵՂԾԱԽՈՐ ՀՐԱՑԱՆԱԿԻՐԸ (Շարունակութիւն)

Հազիւ թէ «սպառնալիքները» տւած, որոնք ըստ երեւոյթին մեր տրտնջացող «հեղինակի» բերնից դուրս թռան «զեղեցիկ խօսքեր» ասած լինելու մարմաջից դրդւած, խորամանդ հրացանակիրը շատ լաւ հասկանալով թէ որքան անժողովրդական է նոյն իսկ արտասահմանի հայ զանգւածների մէջ Խորհրդային Հայ իշխանութեան տապալման գաղափարը, սկսում է կեղծաւորութիւն անել։

Բօլշեւիկների արածին հակառակ «մենք իրենց պէս ապըստամբութիւններ չենք ձգտեր կազմակերպել Հայաստանի մէջ եւ ոչ ալ ոեւէ շահ կամ ցանկութիւն ունինք զէնքով պայ-

քարելու Խորհրդային Խշանութեան դէմ» .— գրում է նա ,
մոռանալով քիչ առաջ տւած սպառնալիքները : Աւելի՞ն դեռ :
«Բազմաթիւ անգամներ մենք ըստ ենք եւ այժմ ալ պէտք
կզգանք կրկնելու , թէ Հ . Յ . Դաշնակցութիւնը պատրաստ է
անվերապահօրէն ոյժ տալու Խորհրդային Կառավարութեան
այն բոլոր քայլերուն եւ ձգտումներուն , որոնք իրապէս կը
նպաստեն Հայաստանի տնտեսական վերաշխնութեան ու բար-
գաւաճման , ինչպէս նաեւ մեր ժողովրդի ազգային կուլտու-
րայի զարգացման» :

Բայց նախ՝ մեր «քննադատների» իսկ կարծիքով Խորհր-
դային Հայաստանի Կառավարութիւնը ոչինչ չի արել , ոչինչ
չի կարողացել («բռնակալներու օտար ոյժ» !) եւ ոչինչ էլ չի
ուզեցել («կուսակցութեան շահերը վեր կղասէ ժողովրդա-
կանէն» !) անել Հայաստանի վերականգնման եւ նրա «ազ-
գային կուլտուրական զարգացման» համար : Երկու «հեղի-
նակներն» էլ շատ մանրամասն կերպով ջանում են հաստատել
այդ ամերիկահայ ընթերցողների առջեւ , երբեմն յուզումի
արժանավայել պաթոսին տալով իրենց , երբեմն կոկորդիլո-
սի արցունքներ քամելով իրենց աչքերից : Հիմա ի՞նչպէս է ,
որ ճիշտ վերջաւորութեան մէջ դուրս է գալիս թէ դաշնակ-
ները պատրաստ են «անվերապահօրէն ոյժ տալու Խորհրդա-
յին Կառավարութեան» , նրա որոշ քայլերին եւ ձգտումներին :

Այստեղ ինչ որ կասկածելի կերպով սկիզբը չի կապւում
վերջաւորութեան հետ :

Եւ երկրորդ՝ . . . ո՞ւր թոան «յեղափոխական կայծերը»
եւ «վառողի ամբարները» , որոնք այնքան ահաբեկիչ էին
երեւում քիչ առաջ :

Արդեօք այդ միջոցները սկիտի գործածւի՞ն : Ի հարկէ .
որովհետեւ «Հայրենիք»ի յօդւածագիրը ասում է որ «ալինդ
սեղմած իր ատամները՝ հայ աշխատաւորութիւնը ժամանա-
կաւորապէս միայն հաշտեր է գերազանց օտարի ոյժի լու-
ծին հետ , մանաւանդ որ իր ետեւն ալ ունի տաճկական ա-
հաւոր սպառնալիքը» :

Արդեօք պարոնայք Դարրինեանները նրա համա՞ր են ո-
րոնում «թրքական օրիենտացիա» , որպէսզի , ինչպէս իրենք
են կարծում , վերացնելով ահաւոր սպառնալիքը» , «յեղափո-
խական կայծերը» եւ «վառողի ամբարները» դործի դնեն :

Ինչի՞ էին պէտք ուրեմն այդ կեղծաւոր խօսքերը՝ «Խոր-
հրդային Խշանութեան ոյժ տալու» մասին՝ որոշ «քայլերու
մէջ» . եւ ինչպէս հնարաւոր է դա Փիզիքապէս . ինչպէս կա-
րելի է ոյժ տալ մի կառավարութեան՝ որոշ խնդիրներում եւ
միաժամանակ ձգտել տապալել նրան , այն էլ զենիքի ոյժով :

Այդ «կրկնակ հաշւապահութիւնը» եւ երեսպաշտ խօսքերը պէտք են եղել նրա համար, որպէսզի հայ գաղութների արթնացած աշխատաւոր զանգւածները քնացնւին կրկին եւ մթութեան ու անշարժութեան մէջ «դաւաճանութեան ու դաւադրութեան» զէնքեր պատրաստեն, (այսպէս է բնորոշել դաշնակցական Դրօն Խորհրդային Հայաստանի թշնամիների արարքները) :

«Ահա, տեսէ՞ք, մենք էլ Խորհրդային Հայաստանի հանդէպ նպաստաւոր դիրք ունինք եւ նոյն իսկ կամենում ենք նրա բոլոր առաջադիմական ձգտումներին ոյժ տալ, միայն թէ այս չար բոլշեվիկները, որ «միայն իրենց կուսակցութեան» մասին են մտածում, փչացնում են ամեն բան» :

Այդպէս է, սակայն. չէ՞ որ մենք մի անգամ, աւելի ճիշտ՝ երկու անգամ (երկրորդը Զանգեզուրեան աւանտիւրայից յետո) լսել ենք այդ խօսքերը եւ տեսել դրանց համապատասխան գործերը :

Երբ 20 թւի Նոյեմբերին դաշնակները «կամովին կերպով» պետական իշխանութիւնը «յանձնեցին», որը արդէն նրանց ձեռքից ընկել էր փաստօրէն, նրանք միեւնոյն երգը դեղգեղեցին եւ միեւնոյն երկերեսանի խաղը սկսեցին :

Այդ օրերին Հանրապետութեան դրութիւնը իրապէս սոսկալի էր. տաճիկները գրաւելով երկրի գլխաւոր կենդրոնները, բռնելով բոլոր ճանապարհները, անմիջապէս վտանգի տակ առնելով մայրաքաղաքը, յենւելով դաշնակների կողմից ստորագրւած Ալեքսանդրապոլի դաշնագրութեան վրա, պահանջում էին նրա դործադրութիւնը. այսինքն՝ հայ ժողովրդի եւ անկախութեան կատարեալ ոչնչացումը :

Հիւսիսից, վրաց ազգայնականները նոյնպէս յենւելով դաշնակների հետ ունեցած «ժամանակաւոր» համաձայնութեան վրա, գրաւելով ամբողջ Լոռին, բռնութեան միջոցով այնտեղ իրենց վարչութիւնը հաստատելով, առաջ էին շարժում դէպի կարաքիլիսէ, իրենց «պետական սահմանները որոշելով Զաջուրի լեռնանցքից (պերեվալ) սկսած։ Տեղական թաթարները, որոնք այնքան շատ տուժել էին դաշնակ կառավարութիւնից (Աղ-Բարա, Զանգի-Բազար, Վեդի-Բազար, Եւայլն) պատրաստում էին սոսկալի վրիժառութեան՝ արդէն անպաշտպան մնացած ժողովրդից։ Բարեկամ Խորհրդային Ռուսաստանը սկզբնական օրերին համարեա անկարող էր անմիջական օդնութիւն հասցնելու Հայաստանին, թէ հեռաւորութեան եւ թէ նաեւ այն պատճառով, որ Հայաստան տանող միակ երկաթուղային գիծը վրացի ազգայնականների ձեռքումն էր, որոնք Հայաստանի համար հացով

եւ նաւթով բեռնւած դնացքները վար էին դնում, էլ չխօսած այն մասին, որ ոչ ուղմամթերք եւ ոչ էլ զօրաբաժիններ թոյլ չէին տալիս Հայաստան մտնելու:

Այդ անմարդկային պայմանների տակ կօմունիստները դաշնակներից «ստացան» իշխանութիւնը, որին այսօրւա պէս իրենց օժանդակութիւնն էին խոստացել:

Բայց նրանք ի՞նչպէս իրագործեցին իրենց «օժանդակութիւնը». ազգայնական Վրաստաճի կառավարութեան եւ տանկական գործակալների հետ միասին նրանք շահագործեցին երկրի անչափօրէն դժւարին կացութիւնը եւ Փետրվարին կազմակերպեցին զինւած ապստամբութիւնն, նպատակ ունենալով իշխանութիւնը ձեռք ձգել:

Իսկ ի՞նչ դրութիւն գոյութիւն ունէր դաշնակների ապրուտամբութիւնից առաջ:

Ո՛չ միայն ամեն կօմունիստի, այլ եւ ուղղակի ամեն ազնիւ մարդու համար պարզ էր այդ ժամանակ, որ տրւած սարսափելի դրութեան մէջ միակ ելքն էր անմիջական յարաբերութիւն սկսիլ Խորհրդային Ռուսաստանի հետ, որ միակ վստահելի դաշնակիցն էր, բանալ ճամբանները, եւ նրա նիւթական ու բարոյական օգնութեամբ դէն շպրտել օկուպացիայի եւ շրջափակման լուծը. այլապէս երկիրը պիտի խեղդէր, ոչնչանար:

Դաշնակները այդ չուզեցին եւ չէին կարող անել, որովհետեւ մէկ հատիկ դաշնակից կամ բարեկամ չունէին: Կօմունիստները կարող էին անել այդ, եւ արին:

Հայաստանում Խորհրդային Իշխանութեան հաստամամբ զանգւածների յեղափոխական էներգիան արթնացաւ, եւ հենց առաջին պատեհութեամբ Լոռու աշխատաւոր գիւղացիութիւնը, որ տաճկական մուրճի եւ վրացական սալի միջեւ ճնշւած էր, ոտքի կանգնեց շահագործողների եւ բըռնակալների դէմ՝ դէնքը ձեռք առնելով:

Խորհրդային Հայաստանի կառավարութիւնը ոյժ տւաւ Լոռեցիների այդ շարժումին, աւելի եւս, որ այդ շարժման յաջողութեամբ կարելի պիտի լինէր վերականգնել երկաթուղային միակ կապակցութիւնը, որով եւ կապահովւէր Խորհրդային Ռուսաստանի նիւթական օգնութիւնը, որ դաշնակների «օժանդակութիւնից» մի փոքր տարբեր բան էր եւ առանց որի, նոյն իսկ դաշնակների խոստովանութեամբ, անկարելի էր այլեւս գոյութիւն պահպանել:

Խորհրդային Հայաստանի կառավարութիւնը անմիջապէս իր հայկական զօրավաշտերը շարժեց՝ օգնութեան հանելու համար ապստամբներին. ազգայնական Վրաստանի կառավարութիւնը, որ իր նախագահ Ն. Ժօրդանիայի բերնով

պարլամենտի մէջ յայտարարել էր թէ «Հայ ժողովուրդը սովորել է միայն փախչիլ» եւ թէ «Նրան պէտք է պատժել», ձգեց իր զօրաբանակը, որ ուժեղացած էր շօվինիստական տրամադրութիւններով տոգորւած ազնւականների վաշտերով, եւ Լոռին թողեց Խորհրդային Հայաստանին: Խորհրդային Աղրբէջանի բարեկամ կառավարութիւնը տեսնելով Եղբայրական Հանրապետութեան դժւարին կացութիւնը եւ ազգայնական Վրաստանի հարւածների տակ նրա անկման վտանգը, Վրաստանին պատերազմ հրատարակեց, իր ուժերը ուղարկեց ուղղակի դէպի Վրաստանի մայրաքաղաքը՝ Թիֆլիս, եւ այդպիսով մեղմացրաւ Հայաստանին հասնելիք հարւածը: Տաճկական զօրքերի հրամանատարութիւնը կովկասում լաւ հասկացաւ, որ Խորհրդային Հայաստանի եւ Աղրբէջանի յաղթանակը պիտի նշանակէր Խորհրդային իշխանութեան հաստատում նաեւ Տաճկաստանի մէջ, վերջինիս ճակատ-ճակատի կանգնեցնելով Խորհրդային հզօր Ռուսաստանի դէմ. նա հասկացաւ նաեւ, որ այդպիսով ո'չ միայն անկարելի պիտի դառնար տաճիկների առաջխաղացքը Անդրկովկասում, այլ եւ նրանք ստիպւած պիտի լինէին յետ նահանջել մինչեւ իրենց նախնական, ելման դիրքերը: Բնական էր, որ տաճկական հրամանատարութիւնը վախենալով բացայայտ կերպով Ռուսաստանի դաշնակից Հայաստանի եւ Աղրբէջանի դէմ գնալու, սկսեց կրկնակի մի խաղ՝ խոստանալով վրացիներին օգնութիւն Խորհրդային հանրապետութիւնների դէմ, կազմակերպելով ապստամբութիւններ Աղրբէջանում եւ Դաղստանում, եւ Հայաստանում դաշնակներին խրախուսելով դէպի այդպիսի ապստամբութիւն:

Հայաստանի համար եկաւ «դարձ-վայրկեանը»: պատմական ժարտէզի վրա դրւեց ամբողջ հայ ժողովրդի կեանիքի եւ պահպանման, ինչպէս եւ ամբողջ ազգի կուլտուրայի ապագայի խնդիրը, այն է՝ կամ ընդառաջ գնալ եւ մօտենալ Ռուսաստանի ու Աղրբէջանի եղբայրական հանրապետութիւններին եւ կամ ոչնչանալ տանկական գրաւման ու վրացական պաշարման նիրաններում:

Ի՞նչ արին, սակայն, դաշնակները հայ ժողովրդի ճակատագրի համար վճռական նշանակութիւն ունեցող պատմական այդ վայրկեանին:

Երբ Խորհրդային Հայաստանի ժողովրդական կօմիսարների Խորհուրդը լաւ հասկանալով որ հայ ժողովրդի ողբերդութեան «վերջին ակտն» էր կատարւում, որ այդ ժողովրդի բոլոր ուժերի գերմարդկային լարումն էր պահանջում՝ պատռվ դուրս գալու համար հսկա փորձութիւնից, իր բոլոր զինւած ուժերը Հայաստանի սահմանների վրա էր

դնում, իրեն եւ Երեւանը անպաշտպան քողնելով, — երբ, ասում ենք, Կօմիսարների Խորհուրդը այդ էր անում, ինչո՞վ էր գրադած Դաշնակցութիւնը. Նա քրքական գօրքերի գործակալ Բահադին-Բէյի հետ միասին եւ վրաց ազգայնական-ների հետ համաձայնաբար Երեւանի մէջ զինւած ապստամբութիւն էր սարքում եւ ժամանակաւրապէս մայրաքաղաքի մէջ Խորհրդային իշխանութիւնն էր տապալում:

Ի՞նչ բառերով որակել այս: Երբ երկիրը իր վերջին ճակատամարտն էր տալիս ազատութեան եւ անկախութեան համար, անցնել նրա դարեւոր քշնամիների կողմը — ի՞նչ անուն տալ սրան:

Նոյն իսկ այդ պայմաններում, ժողովրդական շահերի անհաւատալի դաւաճանութեան օրերում, Խորհրդային Իշխանութիւնը Հայաստանում յաղթանակ էր տանում, ճեղքում էր վրացական շրջափակումը, բանում էր ազատ ճամբա դէպի Խորհրդային Ծուսաստանը, եւ այդպիսով սահման էր դնում թրքական գրաւման, վերջ էր տալիս փաշաների կօնտրոլին եւ հիմք էր ստեղծում Ալեքսանդրապոլի դաշնագրութեան վերաքննութեան:

Գուցէ դաշնակները այդ ժամանակ հասկացա՞ն իրենց ոճրագործութիւնը եւ զղջացին:

Վրաստանը արդէն Խորհրդային Հանրապետութիւն էր. Հայաստանի, Աղրբէջանի եւ Ծուսաստանի միացեալ զօրքերը Վրաստանի աշխատաւորների հետ միասին հիմնաւորում էին յաղթանակը: Յաղթանակը պահանջում է մեծահոգութիւն: Խորհրդային Իշխանութիւնը չուզելով աւելորդ արիւնհեղութիւն, Երեւան է ուղարկում ամենամարդկային եւ բարեմիտ բանաստեղծ Յովհաննէս Թումանեանին, առաջարկելով դաշնակներին՝ վերջ տալ անիմաստ դիմադրութեան եւ վար դնել զէնքերը, խոստանալով «բոլոր մեղքերը մոռանալ». դաշնակները ժողովրդից թագցնելով Յ. Թումանեանի բերած խաղաղութեան առաջարկը, զրկում են նրան ազատութիւնից եւ նրա անունով կեղծ հեռագիր են ուղարկում:

Այդ ժամանակ դաշնակ կառավարութեան գլուխ կանգնած Վրացեանը թուրք ներկայացուցիչ Բահադին-Բէյի հետ միասին «շրջում էր դիրքերը», խարւած եւ մոլորւած ապստամբներին նորից խարելով թէ՝ «Վրացիները Թիֆլիսի մօտ չարդել են Խորհրդային զօրքերը», թէ՝ «Աղրբէջանում եւ Դաղստանում արդէն տապալւած է Խորհրդային Իշխանութիւնը» եւ թէ՝ «դաշնակից քուրքերը օգնութեան են դալիս»:

Իսկ Երբ հայ զինւորները եւ զիւղացիները ճանձրացած Երեւանեան այդ վօդքվիլից, որ տեղի կունենար «հանդերձափոխութեամբ», Երեւանից քշեցին դաշնակներին, սրանք

նախ անմահացրին իրենց յիշատակը Տաթեւի ժայռերի վրա անդէն պատանդների սպանութեան սոսկալի նախճիրը ստեղծելով, ապա փախչելով պարսկական, Ղարաբաղի խան Ամիր-Արշաղի մօտ, նրան նվիրեցին Երեւանից տարած հայկական ոազմամքերք, զէնիքերը, քնդանօքները, եւայլն, որպէս հատուցում «հիւրասիրութեան» համար :

Բայց դաշնակները պարսկական խաների հովանաւորութեան տակ ընկնելուց յետո էլ, զզալով որ հայ ժողովուրդը երբէք չպիտի ների իրենց վերջին սոսկումը, սկսեցին միեւնոյն երգը, ինչ որ այսօր երգում է «Հայրենիք»ի հրացանակիրը .—

«Հաւատացէ՞ք մենք մեղաւոր չենք ապստամբութեան մէջ, այդ ժողովուրդը ինքն առաջացրեց. մենք նոյն իսկ հակառակ էինք դրան եւ խոստանում ենք Խորհրդային իշխանութեան ոյժ տալ նրա բոլոր քայլերին մէջ, որ ժողովրդի օդախն տեղի կունենան» (Համեմատել Ս. Վրացեանի նամակը՝ Հայաստանի կառավարութեան նախագահ Ս. Մրարիօնեանին, — Լուկաշինին) :

Իսկ երբ Խորհրդային կառավարութիւնը այդ գետնի վրա իր պատվիրակ Ար. Կարինեանին Դ. Անանունի եւ ուրիշ ոչ-բօլշեւիկ հասարակական գործիչների հետ միասին ուղարկեց Զանզեզուր, այլեւ դաշնակների համար ամեն իմաստ կորցրած դիմադրութիւնը վերջացնելու համար առաջարկով, տալով կատարեալ ներում եւ երաշխատորելով այդ խոստումը ապստամբների զէնքերը իրենց վրա թողնելով եւ Խորհրդային զօրքերը Զանզեզուր չմտցնելով, այն ժամանակ Դաշնակցութիւնը մի կողմից շարունակեց բանակցութիւնները, իսկ միւս կողմից էլ նենդօրէն ու դաւաճանաբար կարմիր Բանակի վրա յարձակեց, — անշուշտ, այդ վայրկեանին իրենց գլխաւորները զգուշաբար Արաքսի այն կողմը ձգելով եւ Ամիր-Արշաղի «հիւրասիրութիւնը» վայելելով : Պատմական մի ուրիշ մանրամասնութիւն եւս :

Թուս-թրքական խորհրդաժողովը հաւաքւել էր Մօսկայում ճիշտ Փետրվարեան «ապստամբութեան» օրերին : Խորհրդաժողովին՝ Թուսաստանի ցանկութեամբ պիտի գտնէր նաեւ Խորհրդային Հայաստանի Արտաքին Գործոց ժողովը դային Կօմիսարը : Թուրքերը սոսկալիօրէն վախեցին դրանից եւ չկամեցան, որովհետեւ այդ դէպքում Հայաստանի օրինական կառավարութեան հարցերը իրենց ամբողջութեամբ այնպիսի պայմանների մէջ կդրէէին, որ Խորհրդային Թուսաստանի աջակցութիւնը ապահովւած կլինէր : Միակ բանը, որ կարող էր օդնել թուրքերին, դա Խորհրդային Հայաստանի իշխանութեան ժամանակաւոր վերացումն էր,

որովհետեւ այդպիսով նրա ներկայացուցչի լիազօրութիւնը ոչնչացրւած կլինէր Մօսկւայի Խորհրդաժողովի մէջ։ Այդ դէպքում հայ-թրքական յարաբերութիւնները որոշող օրինական ակտը կմնար Ալեքսանդրապոլի ամօթալի եւ խայտառակ գաշնագրութիւնը, որ Հայաստանը դնում էր թրքական փաշանների ոտների տակ։

Վրացեանի «Փետրվարեան ապստամբութեան» դաշնակ կառավարութիւնը կատարելապէս իրականացրաւ քրքական այդ ծրագիրը. նա հեռագրեց Մօսկւա, որ Հայաստանի ներկայացուցիչ Ալեք. Բէկզադեանի մանդատը ջնջւած է այլեւս եւ այդպիսով թուրքերին օրինական հիմք տւաւ պահանջելու, որ Հայաստանի ներկայացուցիչը չմասնակցի խորհրդաժողովի աշխատանքներին, որից յետո, բնականաբար, սրբագործեց Ալեքսանդրապոլի դաշնագիրը որպէս միակ, օրինական հիմք՝ հայ-քրքական յարաբերութիւնները որոշող։

Ահա՛, այսպէս իրականացրին գաշնակները Խորհրդային Հայաստանին օգնելու իրենց խոստումը։

Ո՞վ կարող է այսօր այլեւս հաւատալ «Հայքենիք»ի «գըրողների» կեղծաւոր հաւաստիացումներին, երբ այդ խարդախ խօսքերի գրի առնելու պահուն՝ պարոնայք Վարանդեանները միեւնոյն Ն. Ժօրդանիայի գործակալների հետ միասին մաշում են եւրոպական բոլոր բուրժուական երկրների շէմքերը եւ պահանջում են զինւած միջամտութիւն՝ Խորհրդային Հայաստանի եւ Անդրկովկասեան Խորհրդային ֆեղերացիայի գործերի մէջ։

Ո՞վ կարող է հաւատալ, կրկնում ենք մենք, այդ երկերեսանի մարդկանց, նրանից յետո, երբ նրանք երկու անգամ խօսք են տւել, դրժել իրենց խօսքը ամենախայտառակ եղանակով եւ հայ ժողովուրդը կորստի ու ոչնչացման անդունդի բերանը տարել։

Այդ բոլորից յետո բոլշեւիկները իրաւունք չունի՞ն ասելու Դրօյին եւ իր ընկերների պէս մարդկանց որոնք ճամբանների բաժանման կէտումն են կանգնած, թէ՝ նախ թօթափեցէք ձեր վրայից Դաշնակցութեան ամօթալի անունը, որը երեսուն տարի շարունակ եղել է հոմանիշ դաւաճանութեան եւ կեղծիքի՝ ուղղւած հայ ժողովրդի դէմ։

Խորհրդային Իշխանութեան վերջնական հաստատումով աշխատաւոր հայ ժողովուրդը այլեւս հանգիստ շունչ քաշեց Հայաստանում. դաւադրութիւններին եւ դաւաճանութիւններին վերջ տրւեց անդառնալի կերպով։ Դաշնակցութեան մայուր եւ լաւագոյն անդամները, նրա աշխատաւոր տարրերը, որոնիք իրենց համահայկական համագումարում հա-

ւայել էին «ազատութեան եւ անկախութեան» դրօշի տակ, կուսակցութեան ժայֆայման պրօցեսը կատարեալ են դարձրել, ազդարարելով որ նա լուծւած է:

«Հայրենիք»ի յօդւածաղիրը փորձում է բացատրել այդ քայլայման պատճառները: Բայց վերջի վերջո կարեւորը այն չէ թէ ինչու ժայֆայտմ է Դաշնակցութիւնը, այլ ժայֆայման սոսկական իրողութիւնը, — այն, որ կուսակցութիւնը որպէս այդպիսին լուծւում է, նոյն իսկ դաշնակների խոստովանութեամբ, այն, որ նա հայ ժողովրդի մէջ, երկրում դադարել է գոյութիւն ունենալուց, եւ որ ժողովուրդը անիծում է այն օրը, երբ այդ կուսակցութիւնը իշխանութեան գլուխ էր կանգնած:

Ճիշտ է, երկերեսանի յօդւածաղիրը ջանում է կարդալ մարդկանց «Հոգիները» եւ տրամադիր է ընդունելու, որ դաշնակ դադարարը մնում է տակաւին ժողովրդի «Հոգւոյն մէջ», որը խնամում է նրան չար Զեկայի նենդութիւնների դէմ:

Բայց յայտնի է, որ «Հոգիները կարդալը» այնքան էլ դիւրին գործ չէ մարդկանց համար. նոյն իսկ եթէ նրանք «Հայրենիք»ի վհուկների խմբակին պատկանին: Զէ՞ որ ժամանակին այդ վհուկները հայ դիւղացիներին խարելով, գիւղական ֆալչիների պէս «կարդացին» նաեւ Լոյդ Զօրջի, Կլեմանսօի եւ ուրիշ «մեծամեծների» «Հոգիները»: Եւ սակայն ի՞նչ եղաւ հետեւանքը. այն, որ տակաւին երկու տարին չբոլորած, ֆալչիների բոլոր խարերայութիւնները երեւան եկան:

Կարող է պատահել, որ Ամերիկայում դաշնակցական «քեպերտուարի» այդ կտորը դեռ հանդիսատեսներ ունենա, սակայն Դարալագեազի յետընկած անկիւններից մէկումն անդամ դա չի անցնիլ այլեւս:

«Հոգու» «զեղերումները» անսխալ կերպով ցուցահանում են միայն գործնական կեանքի մէջ. այդպէս, օրինակ, դաշնակների դաւաճանական «Հոգին» երեւցած է այն սիստեմատիկ դաւադրութիւնների մէջ, որ նրանք յայտնաբերել են հայ աշխատաւոր մասսաների շահերի դէմ. իսկ վերջիններս իրենց «Հոգեկան համակրանքը» յայտնած են դաշնակներին նրանով, որ սրանց «վզակոթին տալով» դուրս են քշել Հայստանից, երեք տարւա ընտրութիւնների ժամանակ ոչ մէկ հատ դաշնակի չեն ընտրել եւ «նախկին դաշնակների համագումարով» նրանց դագաղի մեխերն են զարնել:

Կօմունիստները երբէք չեն կուել դաշնակների դէմ, մա-

նաւանդ այն աշխատաւոր տարրերի դէմ, որոնք խարէութիւններով այդ կուսակցութեան մէջ են բերւել: Կօմունիստները կուել են Դաշնակցութեան դէմ՝ որպէս հայ բուրժուազիայի ազրեսիւ ճգումների գաղափարաբանական եւ ֆադաֆական արտայայտութեան:

Եւ բոլոր նրանք, որոնք այսօր Դրօյի, և. կազազեանի պէս, ինչպէս եւ Վրաստանի կենդրոնական կօմիտէի ու միւսների նման կանգնել են ու կանգնում են դաշնակցական գաղափարաբանութիւնից հրաժարւելու գետնի վրա եւ որոնում են հասկացողութեան մի ընդհանուր լեզու հայ աշխատաւոր ժողովրդի հետ, — բոլոր նրանք, որ իրենց վրայից պատրաստ են թօթափելու հին կեղտոտ փոշին, ինչպէս արել են այդ դաշնակների «բուտինայի» հետ աւելի թոյլ կերպով կապւած նրանց ընկերները Երեւանեան Համագումարի մէջ, կդառնան հայ բանւորների եւ գիւղացիների ընտանիքի հարազատ անդամները, որտեղից նրանք դուրս են կորզել հայ ազրեսիւ բուրժուազիայի նիրաններով:

Խորհրդային Խշխանութիւնը ո'չ միայն յետ չի մղել Դրօյի եւ ընկերների մեկնած ձեռքը (ինչպէս ուրախանում է Ռ. Դ.-ը), այլ ընդհակառակը ամեն կերպ աջակցել է որպէսզի հայ ժողովուրդը կարողանա մաքուր սրտով սեղմել այդ ձեռքը, առանց անցեալ վէրքերը եւ դաւաճանութիւնները վերյիշելու:

Ուրախութեամբ անջատւելով մեր «արժանավայել» զոյգից», — զայրացած ասպետից եւ նրա երեսպաշտ հրացանակրից, — մենք չենք կարող թագցնել ցաւակցութեան մեր մի զգացումը. ի հարկէ ընկ. Ալ. Մարտունու քննադատներին մեր հարկադրւած պատասխանը առիթ պիտի տա դաշնակ «գրողներին» կրկին անզամ գրիչ վերցնելու, համբերատար թղթի վրա աջ ու ձախ խազխզելու եւ կրկին անզամ օդը լցնելու քայլացյող դիակի գարշահոտութեամբ, կեղծիքով եւ խարէութեամբ:

Ի՞նչ արած. այդ խայտառակ հետեւանքի հետ պիտի հաշտւել. եւ մենք կարող ենք այժմւանից իսկ ներողութիւն խնդրել այն ընթերցողներից, որոնց վիճակւած պիտի լինի կարդալ զայրացած ասպետների եւ կեղծաւոր հրացանակիրների յետազա «գրութիւնները»:

Միայն կրազդայինք մեր «պատւարժան» քննադատներին իրենց ազագա «աշխատանքների» համար յիշեցնել ուռաժողովրդական մի առածը, որ ասում է.

«Մտի՛ր, բայց չափն խմացիր» :

[504.]

— 46 —

A II
53745

Եթէ պարոն Ռ. Դ.՝ ըստուսերէնի ողին լաւ չի հասկանում
թող դիմի «Հայրենիք»ի խմբագիր պրն. Դարբինեանին եւ¹
այդ առածի իսկական իմաստը հասկանա. մեծապատիւ այդ
խմբագիրը Թուսաստան եւ Կովկաս եղած ժամանակ շատ յա-
ճախակի լսած է այդ խօսքերը, իրեն ուղղւած իր ծանօթնե-
րի եւ «բարեկամների» կողմից :

1 Ապրիլի, 1924 թ. Վիեննա.

1
4



ԳԱԱ Հիմնարար Գիտ. Գրադ.



220053745